

四庫全書

史部



欽定四庫全書

史部

文獻通考卷一百二十三

詳校官編修<sub>臣</sub>李堯棟

編修<sub>臣</sub>程嘉謨覆勘

覆校官庶吉士<sub>臣</sub>陳墉

校對官中書<sub>臣</sub>高 中

謄錄監生<sub>臣</sub>劉清礪



欽定四庫全書

文獻通考卷一百二十三

鄒陽馬端臨貴與著

王禮考十八

山陵葬禮上陵

太皞葬宛丘

在陳州

女媧葬趙城縣東南

在晉州

炎帝葬長沙

在潭州



黃帝葬橋山

地理志橋山在上郡同陽縣山有黃帝冢  
括地志黃帝陵在寧州羅川縣東八十

里子午山隋改為

罷川 宋坊州

顓頊葬臨河縣

皇覽曰顓頊冢在東郡濮陽頓丘城門  
外廣陽里中 山海經曰顓頊葬鮒魚

山之陽九殞葬其  
陰也 宋澶州

高辛葬濮陽頓丘城南

皇覽曰高辛冢在東郡濮陽頓  
丘城南臺陰野中 宋澶州

唐堯葬城陽穀林

皇覽曰堯冢在濟陽城  
曰堯葬濟陰丘隴山 宋鄆州

虞舜葬九疑山

皇覽曰舜冢在零陵營浦縣其山九谿  
皆相似謂之九疑 傳曰舜葬蒼梧象

為之耕或曰二妃  
葬衡山 宋永州



夏禹葬會稽

史記禹會諸侯江南計功而崩因葬焉命曰會稽皇覽曰在山陰縣會稽山上虞

縣七里

越傳曰禹到大越上苗山會計爵德封功因

更名苗山

曰會稽因病死葬葦棺穿壙深七尺上無瀉

泄下無邸

水壇高三尺土堦三等周方一畝呂氏春

秋曰禹葬會稽

不煩人徒墨子曰禹葬會稽衣裘三

領桐棺三寸

地理志云山上有禹井禹祠相傳以為

下有羣鳥耘田也

索隱曰葦棺者以葦為棺謂蘧蔭

而斂非也

禹雖儉約豈萬乘之主而臣子乃以蘧蔭

尸乎墨子言桐棺三寸

差近人情括地志禹陵在越

州會稽縣南十三里

廟在縣東十一里

殷湯葬汾陰

皇覽曰湯冢在方陰亳縣北東郭吉州三里冢四方各十步高七尺上平處平地

宋河

中府



自太皞至殷湯十冢宋太祖乾德四年詔各給守陵  
五戶蠲其他役仍令長吏春秋奉祀

太戊葬大名內黃縣東南

武丁葬陳州西華縣北

太戊武丁二墓宋乾德四年詔給陵三戶歲一享

周文王葬京兆咸陽縣

括地志文王墓在雍州萬平縣西南二十八里原上

武王葬京兆咸陽縣

皇覽曰文王武王周公冢皆在京兆長安鎬聚東社中

宋乾德四年二冢給陵戶祠祭如太昊



成王葬京兆咸陽縣

康王葬京兆咸陽縣

成王康王二冢宋乾德四年詔給守陵三戶歲一享  
桓王葬河南澠池縣東北

靈王葬河南城西南桓亭西周山上

景王葬河南洛陽縣太倉中

威烈王葬河南洛陽城中西北隅

以上四墓宋乾德四年詔州縣常禁樵採



周官小宗伯及執事眡葬獻器遂哭之卜葬兆甫窆亦

如之

窆昌絹反李依杜昌鏡反鄭音穿兆墓塋域甫始也鄭讀窆為穿杜讀窆為毳謂葬穿墳也疏

曰亦如上獻明器哭之但明器材哭於殯門外此卜葬地在墳所則哭亦與在殯所哭之相似故云亦如之

春官

冢人掌公墓之地辨其兆域而為之圖先王之葬

居中以昭穆為左右

公君也圖謂畫其地形及丘壠所處而藏之先王造塋者昭居左穆

居右夾處東西

疏曰預圖其丘壠之處後須葬者依圖置之造塋者如文王都豐而葬於畢即是造塋也文

王當居中武王以次居昭穆之位至平王東遷葬於洛則又為造塋者葬居其中而子孫以次居昭穆兄死弟

及則以兄弟為昭穆與置廟同也

凡諸侯居左右以前卿大夫士居後



各以其族

子孫各就其所出王以尊卑處其前後而亦併昭穆

凡死於兵者不入

兆

戰敗無勇投諸塋外以罰之

凡有功者居前

居王墓之前處昭穆之中央

以爵

等為丘封之度與其樹數

別尊卑也王公曰邱諸臣曰封漢律曰列侯墳高四丈關

內侯以下至庶人各有差者封下而樹少爾雅曰土之高者丘是自然高者聚土

疏曰尊者丘高而樹多卑

曰封是人力為之故以之分尊卑引漢律以況周制

大喪既有日請度甫窆遂為

之尸

甫始也請量度所始窆之處地為尸者成葬為祭墓之尸也鄭司農云既有日有葬日也始窆時祭

以告后土冢人為之尸甫窆者謂冢人請於冢宰量度始穿地之處

疏曰大喪謂王喪謂

及窆以

度為丘隧

隧美道也度丘與美道廣袤所至窆器下棺豐碑之屬喪大記凡封用綽去碑負引君封



以衡大夫以咸疏曰上經已甫竈此經復云及竈者此更本初欲竈之時先量度作邱作隧道之處廣狹長短故文重耳天子有隧諸侯已下有羨道隧道則上有負土若鄭莊公與母掘地而相見也羨道無負土鄭舉羨為葬於北方北首疏曰言葬於國地及北首者鬼況耳

仍南首者孝子若猶龜人若有祭事則奉龜以往喪

亦如之

疏曰喪謂卜葬宅及日皆亦奉龜往卜處也

大卜凡喪事命龜

喪重

禮次大祭祀也士喪禮則筮宅卜日天子卜葬兆疏曰天子卜葬日與上同其宅亦卜之與士異孝經云卜其宅兆亦據大夫以上若士則筮宅也

右卜宅



虞人致百祀之木可以為棺槨者斬之不至者廢其祀

刳其人

刳勿粉反徐亡粉反

虞人掌山澤之官百祀

者王畿內諸臣采地之祀言百者舉其全數也既殯旬而布材故虞人斬百祀之木可以為周棺之槨者送之

也必取其慶沒則靈祇等其哀傷也

檀弓存則

柏槨

以端長六尺

以端題湊也其方蓋一尺

疏曰柏槨者

雜木也鄭註方相職云天子槨柏黃腸為裏而表以石

馬以端者端猶頭也積柏材作槨並葦材頭也故云以

端者此木之端首題湊嚮內知其方蓋一尺以庶人四

寸之棺五寸之槨槨厚於棺一寸按喪大記君大棺八

寸君謂諸侯則天子之大棺或當九寸其槨厚一尺故

五



云其方蓋一尺則槨之厚也如鄭此言槨材並皆從下壘至上始為題湊湊嚮也言木頭相嚮而作四阿也如此乃得槨之厚薄與棺相準皇氏以為壘槨材從下即題湊槨六尺與槨全不相應又鄭何云其方一尺皇氏之義棺槨之間君容祝大夫容壺士容甒間祝昌六反非也

因以為節疏曰君容祝者祝如漆甗是諸侯棺槨間所容也若天子棺槨間則差寬大故司几筵云柏席用崔元謂柏梓字磨滅之餘梓席藏中神座之席是也諸侯棺槨間亦容席故司几筵云柏席諸侯則紛純稍狹於天子故此云容祝大夫容壺者壺是漏水之器大夫所掌甒盛酒之器士所用也君裏槨虞筐

大夫不裏槨士不虞筐

裏槨之物虞筐之文未聞也

右井槨



小宗伯王崩及執事眡葬獻器遂哭之

執事蓋梓匠之屬至將葬獻明

器

之材又獻素獻成皆於殯門外王不親哭有官代之疏曰檀弓云既殯旬而布材與明器云執事眡葬獻

謂獻明器之時小宗伯哭此明器哀其生死異也將葬獻明器之材者見士喪禮云獻材於殯門外西面北上

為素旆治畢為成是哭擗獻素獻成亦如之註云形法定

有官即小宗伯哭之是其無官今王不親哭有官代之者

用當互考

## 右獻明器

世婦掌喪紀之事帥女宮而濯概為盥盛

拭也古愛反概



擇拭音式清也

大喪朝廟設祖奠及大遣奠時也

內豎若有喪紀之

事則為內人蹕

內人從世婦於廟者內豎為六官蹕者以其掌內小事

疏曰此謂喪朝廟為

祖奠遣奠時也皆為外人蹕止行人也鄭知內人從世婦者內人卑不專行事明此內人從世婦而濯概及為

菜盛也內豎掌內小事以其蹕止行人既是小事故還

內使豎蹕也小斂條內有封人等七官大斂條內有

司几筵設几席朝夕奠條內有司服共奠衣服朔月月半奠條內有籩人共薦籩羞籩外饗實鼎俎天子喪斬

右陳朝祖奠

喪祝及辟令啓

鄭司農云辟為最塗櫛也令啓謂喪祝主命後人開之也檀弓曰天子之殯也



敢塗龍輜如斧如擲上畢塗屋疏曰除敢塗棺者天子七月而葬七日殯殯時以擲敢塗其棺及至葬時故命役人開之

## 右啓

闈人喪紀之事設門燎躔宮門廟門

燎地燭也躔止行者廟在中門之外

疏曰大喪以下朝廟及出葬之時宮中及廟門皆設門燎躔止行人也燎地燭也者燭在地曰燎謂若天子

百公五十侯伯子男皆三十所作之狀蓋百根葦皆以布纏之以蜜塗其上若今蠟燭矣對人手執者為手燭

故云地燭也又云廟在中門之外者謂若小宗伯云左宗廟是也設燎條內有委人共薪蒸司烜氏共墳燭

庭燎君堂上二燭三條並此條所通用當考

士師諸侯為賓則帥其屬而



蹕於王宮大喪亦如之

疏曰大喪在宮中謂朝廟亦在宮中為蹕也

內豎

王后之喪遷於宮中則前蹕

喪遷者將葬朝於廟疏曰將葬而往朝七廟則亦

使內豎在車前蹕止行人也

大司寇前王大喪亦如之

大喪所前或嗣王

疏曰喪是王喪復云前王明是嗣王也言或者或是先王及王世子皆是大喪若先后及世子大喪則王為正也

小司寇前王辟

鄭司農云小司寇為王道辟除姦人也若今時執金吾下至令尉奉

引后世子之喪亦如之

疏曰謂后世子之喪當朝廟之時王出入亦為王而辟也

閭胥凡喪紀之數聚眾庶

喪紀大喪之事疏曰王家喪紀閭胥為之聚眾庶以待

驅使也

大司徒大喪帥六鄉之眾庶屬其六引而治其



政令

衆庶所致役也鄭司農云六引謂喪車索也六鄉主六引六遂主六紼疏曰王至七月而葬大司

徒則檢校挽柩之事云衆庶所致役也者但六鄉七萬五千家唯取一千人致之使為挽柩之役也司農云六鄉主六引則此經是也云六遂主六紼者按遂人職云大喪帥六遂之役而致之掌其政令及葬帥而屬六紼在棺曰紼見繩體行道曰

遂人大喪帥六遂之役而

致之及葬帥而屬六紼及窆陳役

屬音燭紼音弗致役致於司徒給墓上

事及窆也紼舉棺索也葬舉棺者謂載與說時也用紼旁六執之者天子具千人與陳役者主陳列之耳匠師帥監之鄉師以斧涖焉大喪之正棺殯啟朝及引六鄉役之載及窆六遂役之亦即遠相終始也疏曰殯及引皆六鄉役之其墓上事及窆等六遂役之墓上則說載下棺之等窆謂穿壙之等不言在廟載事亦六遂役



之不言者畧也必致於司徒者司徒雖主六鄉亦兼掌六遂之役故也云綽舉棺索者在棺則曰綽在道則曰引六遂之役不在道故據在棺而言綽也云陳後者謂下棺之時千人執綽背碑負引須陳列其人故知謂陳列之也按大司徒職云大喪帥六卿之衆庶屬其六引此遂人云帥六遂之後屬六綽及窆陳役以六卿近使主殯及啓朝為始在祖廟之中將行載棺於蜃車屬六綽則六遂為終也至於大道言引則還使六卿為始至壙窆之下棺則還使六遂為終以二處各自為終始故云即遠相終始也

小司徒大喪帥

邦後治其政教謂喪後正棺引窆復土疏曰言正棺者謂葬時引柩車自廟至壙窆謂下棺於坎天子六紼四碑背碑挽引而下棺云復土者掘坎之時掘土向外下棺之後反復此土以鄉師大喪用後則帥其民而至為丘陵故云復土也



遂治之

治謂監督其事疏曰言大喪用役謂若喪時輓六引之等鄉之大夫既主鄉民役用鄉民之

時鄉師遂治之監督謂監督其事以上五條

喪祝及朝御匱

鄭司農云朝謂將葬朝於祖考廟而後行則喪祝為御柩也檀弓曰喪之朝也

順死者之孝心也其哀離其室也故至於祖考之廟而後行殷朝而殯於祖周朝而遂葬故春秋傳曰凡夫人

不殯於廟不祔於姑則弗致也晉文公卒將殯於曲沃就宗廟晉宗廟在曲沃故曰曲沃君之宗也疏曰言

及朝者及猶至也謂侵夜啟殯昧爽朝廟故云及朝云御柩者殯宮輔車載至廟其時喪祝執纛居前以御

正柩也按趙商問周朝而遂葬則是殯於宮葬乃朝廟按春秋晉文公卒殯於曲沃是為去絳就祖殯與周禮

異未通答曰葬乃朝廟當周之正禮也其未世諸侯國何能同也傳合不合當解傳耳不得難經何者既夕將



葬遷於祖用軸既夕是周公正經朝廟乃葬故云不得  
難經孔子發言凡不殯於廟不祔於姑則不致明正禮  
約殯於廟發凡則是關異代何者孔子作春秋以通三  
王之禮先鄭引之者欲見春秋之世諸侯殯於廟亦當  
乃殯廟

升正柩諸侯執紼五百人四紼皆銜枚司馬報

鐸左八人右八人匠人執羽葆御柩升正柩者謂將葬

也五百人謂一黨之民御柩者居前導正之疏曰升  
正柩者謂將葬朝於祖廟柩升廟之西階正於兩楹之  
間其時柩北首故既夕禮云遷於祖用軸升自西階正  
柩於兩楹間是也執紼之人口皆銜枚止喧囂也司馬  
夏官主武故執金鐸率衆左右各八人夾柩以號令於  
衆也以鳥羽注於柄頭如蓋謂之羽葆葆謂蓋也匠人  
主宮室故執羽葆居柩前御行於道示指揮柩於路為  
進止之節也然周禮喪祝御柩此云匠人者周禮王禮



此諸侯禮也按周禮註六鄉主六引六遂主六綽經云  
執綽則應舉六遂而言黨者此非辨鄉遂之殊正取五  
百人是一黨

**喪祝乃奠**

元謂乃奠朝廟奠疏曰乃奠者按既夕禮朝廟之時重先奠

從燭從柩從彼奠乃昨夜夕奠至廟下棺於廟兩楹之間設几宿奠至明徹去宿奠乃設此朝廟之奠於柩西  
故云乃奠

**天府凡吉凶之事祖廟之中沃盥執燭**

吉事四時祭也

凶事后王喪朝於祖廟之奠疏曰王及后喪七月而葬將葬當朝六廟後乃朝祖廟祖廟中日是為祖奠厥明將去為大遣奠  
皆有沃盥之事

**遂師大喪共蜚車之役**

蜚車柩路也柩路載

柳四輪迫地而行有似於蜚因取名焉

**稍人大喪帥蜚車與其後以至**

**掌其政令以聽於司徒**

蜚車及役遂人共之稍人者野監是以帥而致之既夕禮曰既



正樞殯出遂匠納車於階間則天子以至於士樞路皆從遂來疏曰按遂人職云大喪帥六遂六後而致之

又云及葬帥而屬六綍又遂師職亦共丘籠及蜃車之後故知遂人共之也云稍人以其監三等采地是野監

故得并監六遂蜃車之事也司徒地官卿掌徒庶之政令故稍人帥衆以聽於司徒也此經舉天子既夕下舉

士則其中有諸侯卿大夫之喪樞路皆從遂人來可知中車小喪共匱路疏曰

喪據王不別言后與世子則此喪中可以不兼之樞車即蜃車祥車曠左空神位也

乘車疏曰葬時魂車也車上貴左故僕在右空左以擬神也曲禮以上四條樞行通用又至曠條陳車

定條喪不以制此圉人凡賓客喪紀牽馬而入陳喪條通用當互考

之馬啓後所薦馬疏曰謂將葬朝廟時既夕禮薦馬纓三就天子朝廟亦當在祖廟中陳設明器之時亦遣



人薦馬及纓入廟陳廡馬亦如之廡馬遣車之馬人捧之此馬謂擬駕乘車  
曰此遣車則天子九乘載所苞遣奠以入擴皆人捧之云亦牽而入陳者亦於祖廟陳此明器也但遣車及馬各使人別捧故上註云行則解脫之是也  
士喪有與

天子同者三其終夜燎及乘人專道而行

乘人謂使人執引也專道

人辟之疏曰言士喪與天子三事同終夜燎一也乘人二也專道行三也  
人謂人引車不用馬既夕禮云屬引鄭引古者人引柩專道行謂喪在路不避人也

### 右朝祖奠遣車馬

喪祝及祖飾棺乃載

祖為行始其序載而後飾疏曰按既夕禮遂匠納事於階間却柩



而下棺乃飾棺設帷荒之屬天子之禮亦是先載乃飾棺之其序載而後飾者鄭見經先言飾棺後言乃載於文例故依既夕禮先載而後飾

### 右載

縫人掌縫棺飾焉

孝子啓見棺猶見親之身既載飾而行遂以葬若存時居於帷幕而加

文繡喪大記曰飾棺君龍帷之屬疏曰幕人共帷幕鄭註云在旁曰帷在上曰幕是存時居於帷幕而云加

文繡者生時帷幕無文繡今死恐衆惡其親故加文繡即所引喪大記飾棺是也衣

衣於既反必先纏衣其木乃以張飾也柳之言聚諸飾之所聚疏曰嬰即方扇是也柳即帷荒是也二者

皆有材縫人以采繒衣纏之乃後張飾於其上飾棺君龍帷三池振容黼荒



火三列黼三列素錦褚加偽荒纁紐六齊五采五貝黼

翬二黻翬二畫翬二皆戴圭魚躍拂池君纁戴六纁披

六飾棺以華道路及壙中不欲衆惡其親也荒蒙也在

君大夫加文章焉黼荒緣邊為黼文火散為列於其中

耳偽當為帷或作於聲之誤也大夫以上有褚以襯覆

棺乃加帷荒於其上紐所以結連帷荒者也池以竹為

之如小車斧衣以青布柳象宮室縣池於荒之爪端若

承雷然云君大夫以銅為魚縣於池下掄掄翟也青質

五色畫之於絞繒而垂之以為振容象水草之動搖竹

則又魚上拂池雜記曰大夫不掄絞屬於池下是不振

容也士則去魚舉象車蓋疑縫合雜采為之形如爪辨

然綴貝絡其上及旁戴之言值也所以連繫棺束與柳

材使相值因而結前後披也漢禮翬以木為筐廣三尺

文獻通考

十三



高二尺四寸方兩角高衣以白布畫者畫雲氣其餘各如其象柄長五尺車行使人持之而從既窆樹於壙中檀弓曰周人牆置嬰是也絞當作綏讀如冠蕤之蕤蓋五采羽注於嬰首也疏曰此明葬時尊卑棺飾君龍帷者諸侯柳車邊障以白布為之王侯皆畫為龍象人君之德故云龍帷也池謂織竹為籠衣以青布挂著於柳上荒邊爪端象平生宮室有承雷也天子生有四注屋四面承雷柳亦四池象之諸侯屋亦四注而柳降一池闕於後一故三池也振容者振動也容飾也謂以絞繒為之長大餘如旛畫旛上為堆縣於池下為容飾車行則旛動故曰振容黼荒者荒蒙也謂柳車上覆謂氈甲也緣荒邊為白黑斧文故云黼荒火三列者列行也於氈甲黼文之上荒中央又畫為火三行也火形如半環也散三列者又畫為兩已相背為三行也素錦白錦也褚屋也於荒下又用白錦以為屋也葬在路象宮室也故雜記云素錦以為屋而行即褚是也加偽荒者惟



褚邊牆荒是上蓋褚覆竟而加帷荒於褚外也。纁紐六者上蓋與邊牆相雜故又以纁為紐連之。相著旁各三凡用六紐也。齊五采者謂鼈上當中央形圓如車蓋高三尺徑二尺餘五采謂人君以五采繪衣也。列行相次故云五采也。五貝者又連貝為五行交絡齊上也。黼嬰二黻嬰二畫嬰二嬰形似扇以木為之在路則障車入柳則障樞也。凡有六枝二畫為黼二畫為黻二畫為雲氣諸侯六天子八禮器云天子八嬰諸侯六大夫四鄭註縫人云漢禮器制度飾棺天子龍火黼黻皆五列又有龍嬰二其戴皆加璧也皆戴圭者謂諸侯六嬰兩角皆戴圭玉也。魚躍拂池者凡池必有魚故此車池縣紋雉又縣銅魚於池下若車行則魚跳躍上拂池也正義曰振容在下是魚在振容間。君纁戴六者事異飾棺故更言君也。纁戴謂用纁帛繫棺紐著柳骨也。戴值也使棺堅值棺橫束有三每一束兩邊輒角屈皮為紐三束有六紐今穿纁戴於紐以繫柳骨故有六戴也。纁披六



者纁謂亦用絳帛為之以一頭繫所連柳纁戴之中而  
出一頭於帷外人牽之亦有六也謂之披者若車登高  
則引前以防軒車適下則引後以防翻車  
歛左則引右歛右則引左使車不傾覆也 天子七月

而葬五重八翼

天子葬五重者謂抗水與茵也葬者抗

木橫三縮二加抗席三加茵用疏布緇翦有幅亦縮二

橫三此士之禮一重者以此差之上公四重 疏曰古

棺從上下棺之後又置抗木於櫛之上所以抗載於土

引士喪禮下篇陳器云云者以士禮一重證此經葬五

重三重之義也皇氏云下棺之後先加折於壙上以承  
抗席折猶屐也方鑿連木為之蓋如牀縮者三橫者五  
無簣於上加抗木抗木之上加抗席三此為一重如是  
者五則為五重茵者藉棺外下褥用淺色緇布為之每  
將一幅輒合縫為囊將茅蕡及香草著其中如今有絮



禘也而縮二橫三每為一重也抗水上橫三下縮二以  
其在上象天天數奇故上三也下象地地數偶故下二  
也茵則上直二下橫三茵既在下下法地也上數  
二象地下數三象天以天三合地二人中央也

有

虞氏之綏夏后氏之綢練殷之崇牙周之璧翬

綏亦旌旗之綏

也夏綢其杠以練為之旒殷又刻繒為重牙以飾其側  
亦飾彌多也湯以武受命恒以牙為飾也此旌旗及翬  
皆喪葬之飾周禮大喪葬巾車執蓋從車持旌御僕持  
翬旌從遣車翬夾柩路左右前後天子八翬皆戴璧垂  
羽諸侯六翬皆戴圭大夫四翬士二翬皆戴綏孔子之  
喪公西赤為志亦用此焉爾雅說旌旗曰素錦綢杠纁  
白繆素升龍於繆練旒九疏曰此明魯有四代喪葬  
旌旗之飾綏註旌竿頭也夏則既綢杠以練又以練為  
旒周人尚文更以他物飾之引周禮大喪  
葬御僕持翬者明葬有旌旗亦翬之義



# 右飾棺

司服大喪共其廡衣服

廡陳也廡衣服所藏於槨中疏曰此則明器之衣服亦沽而

小者也自衣服以下並獻明器條通用

司常大喪建廡車之旌及葬亦

如之

葬云建之則行廡車解說之疏曰此謂在廟時陳建之謂以廡旌建於遣車之上及葬亦如之比

謂人擴亦建之云建之則行廡車既解說之者在廟陳時云建葬時亦惟有在道去之使人各執遣車又當各

執廡旌是行廡車解說之也

車僕大喪廡革車

言興革車則遣車不徒戎路廣闕革

輕皆有焉疏曰經不云戎路革路而云革車亦是五戎之總名故知不徒戎路廣闕革輕皆有可知若然王

喪遣車九乘除此五乘之外加以金玉象木四者則九乘矣

巾車大喪飾遣車遂



廠之行之

廠興也謂陳駕之行使人次舉之以如墓也遣車一曰驚車疏曰遣車謂將葬遣送之

車入壙者也言飾者還以金象革飾之如生存之車但麤細為之耳註後鄭訓廠為興即言謂陳駕之者解廠

為陳駕也按車僕云大喪廠革車彼廠謂作之此文既言飾遣車已是作更言遂廠之故以陳駕解廠也云行

之使人以次舉之以如墓也者當在朝廟之時於始祖廟陳之明旦大遣奠之後則使以次抗舉人各執其一

以如墓也按家人云及葬言司喪大喪廠喪飾皮車驚車象人是名遣車為驚車

皮車遣車之革路故書廠為淫鄭司農云淫喪陳喪也言謂廠興也若詩之興謂象似而作之凡為神之偶衣

物必沽而小耳疏曰後鄭謂廠興也不從先鄭作陳者以擅弓云竹不成用瓦不成味琴瑟張而不平筭笙

備而不和皆是興象所作明非陳設之禮若詩之興謂象似而作之者象似生時而作但麤惡而小耳



校人大喪飾遣車之馬及葬埋之

言埋之則是馬塗車之芻靈疏曰檀弓

孔子云塗車芻靈自古有之謂為備者不仁古者以泥塗為車芻靈謂以芻草為人馬神靈至周塗車仍存但刻木為人馬替古者芻靈今鄭云塗車之芻靈則是仍用芻靈與檀弓違者鄭但舉古之芻靈況周耳非謂周人仍用芻靈也定條內有冢人驚車象之此條通用當互考

閭人凡喪紀廬馬

詳見

朝祖奠條

遣車視牢具

言車多少各如所包遣奠牲體之數也然則遣車載所包遣奠而藏

之者與遣奠天子太牢包九箇諸侯亦太牢包七箇大夫亦太牢包五箇士少牢包三箇大夫以上乃有遣車疏曰遣車從葬載牲體之車也牢具遣奠所包牲牢之體賁賤各有數也一箇為一具取一車載之也故云視牢具遣車所用無文因此視牢具故云載所包遣奠而藏之者與與者疑辭也云天子太牢包九箇以下者



以既夕禮遣奠用少牢以上約之

司兵大喪廡五兵

廡興作明器之役器五兵也士

喪禮下篇有甲冑干竿

疏曰按既夕禮明器之用器有弓矢後器有甲冑干竿彼雖不具五兵此既言五兵

明五者俱有也故鄭引士喪禮下篇為證

司弓矢大喪共明弓矢

弓矢明器之用

器也士喪禮下篇曰用器弓矢

司干大喪廡舞器及葬奉而藏之

疏曰

此官云干盾及羽籥籥及其所廡廡千盾而已其羽籥籥師廡之

樂師凡喪陳樂器則

帥樂官

帥樂官往陳之

疏曰樂師謂笙師鐸師之屬廡樂藏之者也云往陳之謂如既夕禮陳器於

祖廟之前庭及壙道東者也

大司樂大喪涖廡樂器及葬藏樂器

亦如之

涖臨也廡興也臨笙師鐸師之屬興謂作之也疏曰鄭知臨笙師鐸師者按笙鐸師皆云喪



獻其樂器奉而藏之司干亦云大喪獻舞器此不言之即屬中兼之也此臨藏樂器還臨笙師鑄師等故彼皆

云奉而藏之同 眠瞭大喪獻樂器疏曰大喪獻樂器謂明器故檀弓云木不成斲瓦不

成味竹不成用琴瑟張而不平竽笙備而不和是沽而小耳是臨時乃造之 笙師大喪獻

樂器及葬奉而藏之 獻興也興謂 鑄師大喪獻其樂

器奉而藏之 疏曰此官所獻 籥師大喪獻其樂器奉

而藏之 疏曰此所獻作惟羽 典庸器大喪奠虞 疏曰按檀

弓有鐘磬而無奠虞鄭註云不縣之彼鄭註見此文有奠虞明有不縣以喪事畧故也

右陳明器



喪祝及祖飾棺遂御鄭司農云祖謂將葬祖於庭象生  
御之喪祝為柩車御也言謂祖為行始飾棺設柳池紐  
之屬既飾當還車鄉外喪祝御之御之者執翺居前卻  
行為節度疏曰言及祖者及至也初朝禰次朝二祧  
次朝始祖后稷之廟至此廟中設祖祭按既夕禮請祖  
期曰日側是至祖廟之中而行祖始也為行始飾棺  
訖乃遣車向外移柩車去載處至庭中車西設祖奠云  
遂御者加飾訖移柩車喪祝執纛却行御正柩故云遂  
御之小斂條有封人等七官大斂條有司几筵設輦  
席朝夕奠條內有司服共奠衣服朔月月半奠條內有  
籩人共薦籩羞籩外饗實鼎俎天子喪斬練者奠諸侯  
喪齊練者奠啓條內有世婦濯漚為盥盛  
內豎為內人蹕皆祖奠所通用當互考

## 右祖奠



大師大喪帥瞽而廡作匱謚

廡興也言王之行謂諷誦其治功之詩故書廡為淫

鄭司農云淫陳也陳其生時行迹為作謚疏曰帥瞽

其興喻王治功之詩廡作匱謚者匱即柩也古字通用以

瞽瞽諷誦詩世奠

繫鼓琴瑟

元謂諷誦詩主謂廡作柩謚時也諷誦王治功之詩以為謚世之而定其繫謂書於世本

也雖不歌猶鼓琴瑟以播其音美之疏曰諷誦詩謂於王喪將葬之時則使此瞽瞽諷誦王治功之詩觀其

行以作謚葬後當呼之云世奠繫者奠定也謂辨其昭穆以世之序而定其繫繫即帝繫世本是也鼓琴瑟者

詩與世本二者雖不歌詠猶鼓琴瑟而合以美之

小師大喪與廡疏云大師

廡作匱謚故小師從之也

大祝作六辭以通上下親疎遠近六曰



誄誄謂積累生時德行以賜之命主為其辭也春秋傳曰孔子卒哀公誄之此皆有文雅辭令難為者也故

大祝主作六辭或曰誄論語所謂誄曰禱爾于上下神祇

### 大史大喪遣之日讀誄

遣謂祖廟之庭大奠將行時也人之道終於此累其行而讀之大師又帥瞽矇之而作謚瞽矇史知天道使其共其

事言王之誄謚成於天道疏曰人之道終於此者以其未葬已前孝子不忍異於生仍以生禮事之至葬送

形而往迎魂而反則以鬼事之故既葬之後當稱謚故誄生時之行而讀之此經誄即累也云大師又帥瞽矇

之而作謚者瞽史既知天道又於南郊祭天之所稱天以誄之是王之謚成於天道也若然先於南郊制謚乃

遣之日讀之既葬後則稱謚凡喪事考焉為有失小史大喪佐大史

卿大夫之喪賜謚讀誄其讀誄亦以大史賜謚為節事相成者謚法



依誅為之故也

惟周公旦太公望相嗣王發建功於牧野及

終將葬乃制謚法遂敘謚法謚者行之迹號者功之表

古者有大功則賜之善號以為稱也

車服者位之章也是以大行受大名

細行受小名行出於己名生於人

名是謚號

壹民無為曰神

以至無為神道設教

一德不懈曰簡

一不委曲

靖民則法曰皇

靖定

平易

不訾曰簡

無用訾侮

德象天地曰帝

同於天地

尊賢貴義曰恭

尊貴

賢人寵貴義士

仁義歸往曰王

民往歸之

敬事供上曰恭

供奉

立志

及衆曰公

志無私也

尊賢敬讓曰恭

敬有德讓有功

執應八方曰侯



所執行八方應之

既過能改曰恭

言自知也

賞慶刑威曰君

能行四者

執

事堅固曰恭

守正不移

平正不阿曰君

民從之

愛民悌長曰恭

順長接下

揚善賦簡曰聖

揚人所善得實所教得簡

執禮御賓曰恭

迎待賓也

敬祀享禮曰聖

既敬於祀能通神道

芘親之闕曰恭

修德以益之

照臨

四方曰明

以明照之

尊賢讓善曰恭

不專己善推之於人

譖訴不行曰

明

逆知之故不行

威儀悉備曰欽

威則可畏儀則可象

經緯天地曰文

其成

道大慮慈民曰定

思樹德

道德博聞曰文

無不知

純行不差

曰定

行一不傷

學勤好問曰文

不恥下問

安民大慮曰定

以慮安民

慈



惠愛民曰文

惠以成文

安民法古曰定

不失舊意

愍民惠禮曰文

惠而有禮

關土有德曰襄

取之以義

賜民爵位曰文

與同升

甲冑有

勞曰襄

亟征伐

綏土柔民曰德

安民以居安土以事

小心畏忌曰僖

思所當忌

諫慮不威曰德

不以威距諫

有伐而還曰釐

知難而退

剛強

直理曰武

剛無欲強無抗直正直理忠恕

質淵受諫曰僖

深故能受

威強直

德曰武

與有德者敬

溫柔賢善曰懿

性純善

克定禍亂曰武

以兵

往故能定

心能制義曰度

制事得宜刑民克服曰成

法以正義能使服也

聰

明獻哲曰獻

有過知聰

夸志多窮曰武

多所窮極

智質有



聖曰獻有所通而無蔽安民立政曰成政以安定五宗安之曰孝世五

之淵源流通曰康性無忌慈惠愛親曰孝周愛親族溫年好樂

曰勤好豐年勤民事協時肇享曰孝協和肇始秉德不回曰孝

順於德勤民安樂撫民曰康無四方之虞令民安樂曰康富而教之執

心克壯曰齊能有嚴布德執義曰穆舜典四穆輕輜供就曰

齊輜有近輕而供成中情見貌曰穆性心露也甄心動懼曰頃甄精容

儀恭美曰昭有儀可象行供可美敏以敬慎曰頃疾於所敬昭德有勞

曰昭能勞謙柔德教衆曰靜成衆使安聖善周聞曰宣通於善道聲教



宣恭已鮮言曰靖恭已正平少言而中治而無眚曰平 寬樂令

終曰靖性寬樂義以善自終執事有制曰平不在意威德剛武曰圉

患禦亂布綱治紀曰平施之政事彌年壽考曰胡久其由義而

濟曰景用義而成保民耆艾曰胡六十耆七十艾耆意大慮曰景耆

也彊毅果敢曰剛釐於義致志固布義行剛曰景以剛行義追補前

過曰剛勸善以補過清白守節曰貞行清白執志固猛以剛果曰威

猛則少寬果敢行大慮克就曰貞幹事能成不隱無屏曰貞 彊毅

執正曰威 闢土服遠曰桓以武力征四夷治典不殺曰祈常



不克敬勤民曰桓敬以大慮行節曰孝言成其節闢土兼國

曰桓兼人故啓土治民克盡曰使克盡思慮能思辨衆曰元使別之

次有好和不爭曰安坐在少斷行義說民曰元民說其義道德純一

曰元道德大而一始建國都曰元非善之良何以始之大省兆民曰思

大親民而不侈主義行德曰元以義為主外內思索曰思言求善聖善

周聞曰宣聞謂所聞善事追悔前過曰思思而能改兵革亟作曰壯

以數征為嚴行見中外曰慤表裏如一共圉克服曰壯禁圉敵人之

狀古述今日譽勝敵克亂曰壯勝敵故能克亂昭功寧民曰



商

商度事宜所以安民

死於原野曰壯

非嚴何所以死難

克教秉政曰夷

秉政

不任

屢征殺伐曰壯

以嚴整之

安民好靜曰夷

武而不遂

曰壯

成功

執義揚善曰懷

稱人善

柔質慈民曰惠

賑孤惻加施惠

慈人短折曰懷

短未六十折未三十

愛民好與曰惠

與謂施

述義不

克曰丁

欲立志義而弗能成

夙夜敬戒曰敬

敬身急戒

述事不弟曰丁

不孫

夙興恭事曰敬

敬以莅事

有功安民曰烈

以武功

衆方益

平曰敬

法常而知

秉德尊業曰烈

業以通德為而能尊

令善典法曰敬

非敬何以善之

剛克為伐曰翼

伐功也

剛德克就曰肅

成其不敬使為終



思慮深遠曰翼

好遠思不任亂

執心決斷曰肅

言嚴果

外內貞復

曰白

正而後約始一

不主其國曰聲

生於外家

不勤成名曰靈

任本性不

見賢思齊

未家短折曰傷

未家死

而志成曰靈

士志不怯命

愛民

好治曰戴

愛養其民天下戴仰

死見神能曰靈

有鬼不為厲

典禮不倦

曰戴

倦過

亂治不損曰靈

不能以治損亂

短折不成曰傷

幼稚而天傷

好祭鬼神曰靈

敬鬼神不致遠

隱拂不成曰隱

不以隱括改其性

極知

鬼事曰靈

其智能聰徹之

不顯尸國曰隱

以主國

見善堅長曰隱

美過其令

殺戮無辜曰厲

官人應實曰知

能官

愎狠遂過



曰刺

去諫曰悞反是曰狠

肆行勞祀曰悼

放心勞於淫祀言不修德也

不思妄

愛曰刺

甚忌

中年蚤夭曰悼

年不稱者

早孤短折曰哀

早未知人事

凶年無穀曰荒

不務稼穡

好變動民曰躁

好改舊以勞動民

外內縱

亂曰荒

家不治官不知

不悔前過曰戾

知而不改

好樂怠政曰荒

於淫

聲樂怠於政事

怙威肆行曰醜

肆意行威

在國遭憂曰愍

仍多喪大 雍遏

不通曰幽

權臣擅命政令不達

在國逢難曰愍

兵寇之事

早孤殞位曰

幽

殞位即卒

禍亂方作曰愍

動祭亂常曰幽

易神班

使民

悲傷曰愍

妨政敗害

柔質受諫曰惠

受諫以為惠

貞心大度曰匡



心正而名察

名實不爽曰質

名實內外相應不差

德正應和曰莫

溫

良好樂曰良

言其入可好可樂

施勤無私曰惠

慈和徧服曰

順 思慮果敢曰趯

博聞多能曰慮

雖多能不

嗇於

賜與曰愛

滿志多窮曰惑

必不足者

危身奉上曰忠

險

難辭

思慮不爽曰原

不差所

克威捷行曰魏

有威而

好內

違禮曰煬

淫於家

克威順禮曰魏

雖威不

好內怠政曰

煬

內則淫朋外則荒政

怠政外交曰携

不自明而

去禮遠正曰煬

教誨不倦曰長

疏遠繼位曰遠

肇敏行成曰直



彰義揜過曰堅

亡治

內外賓服曰正

華言無實曰夸

好廉自克曰節

廉儉不傷則不害民

逆天虐民曰燬

所尊大

好

更故舊曰易

變故

名與實爽曰繆

愛民作刑曰克

道

以政齊之以法

擇善而從曰比

比方善而從之

除殘去虐曰湯

亂而

不損為靈

貪亂直亡而神靈之曲也

隱哀之方也景武之方也施為

文除為武辟地為襄服遠為桓剛克為伐柔克為懿履

正為莊無過為僖施而不私為宣

雲行雨施日月無私

鄉惠無內

德為猷

無內德謂惠不成也

由義而濟為景無志無補則以其明



餘皆象也

以其明所及為諡象其事也諡法

賤不誅貴幼不誅長禮

也

誅累也累列生時行迹讀之以作諡諡當由尊者成疏曰凡諡表其實行當由尊者所為若使幼賤者

為之則各欲光揚在上之美有乖實事故不為也

唯天子稱天以誅之以其無尊焉春

秋公羊說以為讀誅制諡於南郊若云受之於天然疏曰白虎通云天子崩大臣之於南郊稱天以諡之者

為人臣子莫不欲褒大其君掩惡揚善故至南郊明不得欺天也

死諡周道也

疏云殷以

上有生號仍為死後之稱更無別諡堯舜禹湯之例是也周則死後別立諡故總云周道也

### 右諡誅

大司馬喪祭奉詔馬牲

王喪之以馬祭者蓋遣奠也奉猶送也送之至墓告而藏之



司尊彝大喪存奠彝

存省也謂大遣時奠者朝夕乃徹也疏曰大喪之奠有彝尊

盛鬱壘唯謂祖奠厥明將向壙為大遣時奠有之朝夕乃徹也者按檀弓云朝奠日出夕奠逮日則朝奠至夕徹之夕奠至朝乃徹其大遣亦朝設至夕乃徹言此者欲見所奠彝尊朝夕奠存省之意也春官鬱

人大喪及葬共其裸器遂殯之

遣奠之彝與瓚也殯之於祖廟階間明奠終於

此疏曰葬時不見有設奠之事祖祭已前奠小不合有彝器奠之大者唯有遣奠故知於始祖廟中厥明將葬之時設大遣奠有此裸器也司尊彝云大喪有奠彝是也以奠無尸直陳之於奠處耳言殯之於祖廟階間者此按曾子問無遷主者以幣帛皮圭以為主命行反遂殯之於祖廟兩階之間此大遣奠在始祖廟事訖明亦殯之於階間也自此已前不忍異於生設奠食象生而無尸自此已後葬訖反日中而虞則有尸以神事之



謂之祭異於生故云明  
奠終於此也同上

### 小祝大喪及葬設道齋之奠

分禱五祀

齋猶送也送道之奠為遣奠也分其牲體以祭五祀告王去此宮中不復及也王七祀祀

五者司命大厲平生出入不以告疏曰按既夕禮祖廟之庭厥明設大遣奠包牲取下體是也云分其牲體

以祭五祀者謂包牲取下體之外分為五處祭也月令春祀戶夏祀竈季夏祀中雷秋祀門冬祀行此並是人

所由從之處直非四時合祭出入亦宜告之司命泰厲則否小歛條內有封人等七官大歛條內有司几筵

設几席朝夕奠條有司服共奠衣服朔月月半奠條內有籩人共籩外饗實鼎俎天子喪斬縗者奠諸侯喪齊

縗者奠啓條有世婦濯漑為盥盛內豎為內人蹕皆遣奠所通用當互考

### 右大遣奠



量人掌喪祭奠窆之俎實

窆亦有俎實謂所包遣士喪禮下篇曰藏苞筭於旁

疏

云此喪祭文連奠窆窆是壙內故鄭以喪祭為大遣奠解之是以大司馬喪祭亦為遣奠也又按家人云請度甫窆穿壙之名此言奠窆則奠入於壙是以云所包遣奠也引士喪禮云藏苞筭於旁者苞謂苞牲取下體輩苞二是也藏筭者即既夕禮云筭三黍稷麥並藏之於棺旁又曰苞奠者取遣奠牲下體苞裹之遣送行也

### 右包奠

遂師大喪使帥其屬以幄帟先道野役

使以幄帟先者大宰也其餘司

徒也幄帟先所以為葬寔之間先張神座也

疏曰大喪王喪也以幄帟先者謂使大宰

官帥其屬以幄帟先行至壙也道野役者謂司徒導引野中之役以出國城至壙也大宰之屬幕人共帷幕帟



受故大宰帥之司徒主衆庶故令野役也先張神座者謂柩至壙脫載除飾柩則在地未葬窆之間須有神座之盛塵以為神座也地官陳殯其條幕人掌次此條適用朝祖條胥聚衆庶大司徒帥六鄉屬六引遂人屬六綽小司徒帥邦役治其政教鄉師帥其民而至又薦車馬及陳明器兩條並此章通用當互考鄉士夫喪紀各掌其鄉之禁

令帥其屬夾道而蹕

屬中士以下所經鄉道並過六鄉以是故各掌

疏曰大喪紀當葬

其鄉之禁令當各帥其屬夾道而蹕知屬是中士以下者鄉士身是上士故云中士以下秋官

方

相氏大喪先匱

先去聲匱音柩疏曰喪所多有凶邪故使之導也

葬使之道道音導

夏官喪祝及葬御匱出宮乃代

喪祝二人相與更也疏曰及至也謂於祖廟



厥明大奠後引柩車出喪祝於柩車前卻行御柩車出  
官乃代者按序官云喪祝上士二人故鄭云二人相與  
更小喪亦如之官春鄉師及葬執蠹以與匠師御匱而

治役

匠師事官之屬其於司空若鄉師之於司徒也鄉

反

疏曰言及葬者及至葬引向壙蠹謂葆幢也鄉保

執葆幢却在柩車之前以與匠師御柩謂在路恐有傾

覆故與匠師御正其柩而治役者亦謂監督人也此經

鄉師是司徒考明匠師亦是司空考冬官亡未聞其

考此據匠師與鄉師相對以義約之匠師冬官考也

司士作六軍之士執披

車披方寄反披持棺者有紐以結柩

之謂之戴鄭司農云披者扶持棺險者也天子旁十二

諸侯旁八大夫六士四元謂結披必當棺束於束繫紐



天子諸侯載柩三束大夫士二束喪大記曰君纁披六  
大夫披四前纁後元士二披用纁人君禮文欲其數多  
圍數兩旁言六耳其實旁三疏曰云六軍之士者即  
六鄉之民以其鄉出一軍六鄉故名六軍之士也天子  
千人而云六軍者以天子千人出自六軍故號六軍之  
士非謂執披有七萬五千人也柩車則疊車兩旁使  
人持之若四馬六轡然故名持棺者名披也云有紼以  
結之謂之戴者喪大記云纁戴者是也先鄭云披者扶  
持棺險也先鄭意疊車行恐逢道險者有傾覆故云披  
持棺險也云天子旁十二諸侯旁八大夫六士四者無  
所依據後鄭不從元謂結披必當棺束於束繫紼者謂  
疊車兩旁皆有柳材其棺皆以物束之故云天子諸侯  
載柩三束大夫士二束彼喪大記不言天子此言者欲  
見天子無文約與諸侯同也

# 喪勸防之事

勸猶倡帥前引者防謂執披備傾虧疏  
曰勸猶倡帥前引者即經御柩一也謂執



燾居柩路前却行左右車脚有高下則以燾詔告執披者使持制之不至傾虧倡先也故云倡帥前引者云防  
謂執披備傾虧者按夏官司士作六軍之士執披故以執披解防恐柩車傾倒故云備傾虧此經勸防因言所  
掌事及其行事下文及朝御柩是也小喪亦如之官春大史大喪執法以

泣勸防

鄭司農云勸防引六紼春官

巾車大喪及葬執蓋從車持

旌從才用反

從車隨柩路持蓋與旌者王平生時車建旌雨則有蓋今蠶車無蓋執而隨之象生時所執

者銘

御僕大喪持翼

喪大記註引漢禮以木為筐廣三尺高二尺四寸方兩角高衣

以白布畫雲氣謂之畫翼畫之以黼謂之黼翼之類是也天子用八在路夾蠶車兩旁入壙則樹之四旁

女御后之喪持翼

翼棺飾也持而從柩車疏曰禮天子八翼后喪亦同將葬向壙之時使



此女御持之  
左右各四人

家人大喪及葬言鸞車象人

鸞車巾車  
所飾遣車

也亦設鸞旗鄭司農云象人謂以芻為人言猶語也語  
之者告當行若於生存者於是巾車行之孔子謂為芻  
靈者善謂為俑者不仁非作象人者不殆於用生乎  
疏曰及至也謂至葬家人語巾車之官將明器鸞車及  
象人使行向壙遣車有鸞和之鈴兼有旌旗經直云鸞  
車不言鸞旗故鄭言之先鄭云象人謂以芻為人者後  
鄭不從以其上古有芻人至周不用而用象人則象人  
與芻靈別也鄭引檀弓者欲破先鄭以芻靈與象人為  
一若然則古時有塗車芻靈至周仍存塗車  
唯改芻靈為象人陳明器條通用春官  
及葬從遣車而哭遣車王之魂魄所憑依疏曰遣車  
者將葬盛所苞奠遣送者之車其車  
內既皆有牲體故云王之魂魄所憑依也遣車多少之  
數天子無文鄭註雜記云天子太牢苞九箇遣車九乘



苞肉皆取大遣奠之牲體天子太牢外更用馬牲皆前脰折取臂臠後脰折取骼苞肉各九箇皆細分其體以充數也

夏官

內豎王后之喪及葬執褻器以從遣車

振飾

頽浴之器

疏曰從遣車若生時從后后之私褻小器

鄭註以為清器虎子不為振飾頽沐器者彼據生時故與床第等連文此註褻器為振飾頽沐之器者按特牲

為尸而有盤匱并有簞巾巾為振飾盤匱為盥手故既夕禮用器之中有盤匱是送葬之時有褻器也天官

君葬用輜四綽二碑御棺用羽葆

輜音軫市專反輜當為載以軫車

之軫軫車軾車也在棺曰綽行道曰引至壙將窆又曰綽而設碑是以連言之碑桓楹也御棺車前為節度也

疏曰四綽二碑者綽有四條碑有二所此諸侯也天子則云綽四碑御棺用羽葆者雜記云諸侯用匠人執



羽葆以烏羽注於柄末如蓋而御者執之居前以指麾  
為節度也此一經所論在道之時未論窆時下棺之節  
因在塗連言窆時故云是以連言窆至窆時下棺天子  
則更載以龍輜故遂師註云蜃車柩路也行至壙乃說  
更載以龍輜是天子殯用龍輜至壙去蜃車載以龍輜  
云碑桓楹也者檀弓云三家視桓楹是僭也則天子用  
大木為碑謂之豐碑諸侯則  
樹兩大木為碑謂之桓楹

士喪有與天子同者三

其終夜燎及乘人專道而行

註見朝祖奠遣車馬下

### 右柩行

巾車大喪及墓嘑啓關陳車

關墓門也車二車也士喪禮下篇曰車至道左北面

立東上

疏曰鄭知車是二車者以其遣車在明器之中按既夕陳明器在道東西北上此不言明器而別陳



車是二車可知天子二車象生時當十二乘也士喪禮云車至道左北面立東上者士無二車惟據乘車道車藁車三乘此王禮亦有此三乘車於後別有二車十二乘若然則此車非止二車而已鄭直云二車者舉其士禮不見者而言耳此條朝祖薦車通用樞行條遂師以幄幣先朝祖條樂師陳樂器此條通用當互考

方相氏大喪及墓入壙以戈擊四隅毆方良

方良上音罔下音兩

又如字壙穿地中也方良罔兩也天子之槨柏黃腸為襄而表以石焉國語曰木石之怪夔罔兩疏曰必破方良為罔兩者入壙無取於方良之義故也云天子之槨柏黃腸為襄而表以石焉者欲見有罔兩之義故引漢法為證又檀弓云天子柏槨以端長六尺言槨柏則亦取柏之心黃腸為槨之裏故漢依而用之而表柏以石蓋周時亦表以石故有罔兩也云國語者按國語水之怪龍罔象土之怪夔罔兩則知方良當為罔兩也



喪祝及壙說載除飾

鄭司農云說載下棺也除飾去棺飾也四跽之屬令可舉移安

錯之元謂除飾使其窆爾周人之葬牆置跽跽所甲反亦作簣疏曰脫載謂下棺於地除飾謂除去帷荒

下棺於坎訖其帷荒還入壙張之於棺註云四跽之屬者按喪大記及禮器士二娶大夫四娶諸侯六娶天子

八娶周人之葬牆置跽者謂帷荒與柩為障若牆然故謂之牆娶在道柩車旁人執之入壙置之於槨旁故云

也道小喪亦如之

之喪小喪王后以下春官

掌蜃掌斂互物蜃物

以共闔壙之蜃

將互戶故反互物蚌蛤之屬闔猶塞也

以春秋傳曰始用蜃炭言僭天子也疏曰按士喪禮

是宅還井槨於殯門之外註云既哭之則往施之窆中是未葬前井槨材乃往施之壙中則未施壙前已施蜃炭於槨下以擬禦濕也

稻人喪紀共



其葦事

葦以閩壙禦濕之物左氏傳有井闔閭塞也

疏曰春秋地官

澤虞喪紀

共其葦蒲之事

葦以閩壙蒲以為席者謂抗席及禮記云虞

疏曰蒲以為席卒哭芊翦不納

者是也

掌荼掌以時聚荼以共喪事

疏曰按既夕禮為茵之法用緇

翦布謂淺黑色之布各一幅合縫著以茶柩木入壙之時先陳於棺下縮二於下橫三於上乃下棺於茵上是也

### 右至壙

家人共喪之窆器

下棺豐碑之屬邦役遂人及窆陳

朝祖條小司徒帥後並此條通用當

互考

凡封用綽去碑負引君封以衡君命毋譁以鼓窆



疏曰當為窆之謂下棺之時將縛一頭以繫棺緘又將一頭繞碑間鹿盧所引之人在碑外背碑而立負引者漸漸應鼓聲而下故云用紼去碑負引也君封以衡貫侯禮大物多棺重恐柩不正下棺之時別以大木為衡貫穿棺束之緘平時而下備傾頓也君命無諱以鼓窆者謂君下棺之時命令衆人無諱以擊鼓為窆時縱捨之節每一鼓漸縱紼也天子則六紼四碑紼既有六碑但有四故以前碑後碑各重鹿盧每一碑用二紼前後用四紼其餘兩紼擊於兩旁之碑

柩行條

君葬四紼

二碑此條

通用當互考

鼓人詔太

僕

鼓

戒

鼓

亦如之

僕鼓

詳見本篇

大僕大喪始崩戒鼓

窆亦如之

擊鼓

戒鼓

亦如之

擊鼓

亦如之

擊鼓

以驚衆也司農云窆謂葬下棺也春秋傳所謂日中而崩禮記謂之封皆下棺也音相似窆讀如慶封祀祭之

記

墳補鄧反

死條

遂師大喪及窆抱磨共丘籠及

遂師大喪及窆抱磨共丘籠及

遂師大喪及窆抱磨共丘籠及

遂師大喪及窆抱磨共丘籠及

遂師大喪及窆抱磨共丘籠及

遂師大喪及窆抱磨共丘籠及

遂師大喪及窆抱磨共丘籠及

文獻通考

文獻通考

三十二



蜃車之後

謂蜃車極路也行至壙乃說更復載以龍輅役

之而遂師以名行校之疏曰云共丘籠者王曰丘謂

共為丘之籠器以盛土也謂下棺之後以壙上土反復

而為丘壟皆須籠器以盛土也云適歷執紼者名也者

謂天子千人分布於六紼之上謂之適歷者分布稀疎

得所名為適歷也云遂人主陳之者按遂人云及窆陳

役是也遂師抱持版之名字巡行而校錄之以知在否

故云抱磨鄉師及窆執斧以涖匠師事執斧以涖之

使戒其事故書涖作立立讀為涖涖謂臨視也疏曰

及至也窆下棺也至壙下棺之時鄉師執斧以涖匠師

匠師主衆匠恐下棺不得所須有用斧之事故執斧以

臨視之云匠師主豐碑之事按檀弓云公室視豐碑三

家視桓楹鄭彼註天子斷大木為之豐大也天子六綽

四碑前後各一碑各重鹿盧兩畔各一碑皆單鹿盧天



子千人分置於六紼皆背碑負引  
擊鼓以為縱舍之節匠師主當之  
冢人及窆執斧以

泣疏曰按鄉師云執斧以泣匠師則此亦泣  
匠師兩官俱臨者葬事大故二官共臨  
遂入藏凶

器凶器明器  
下棺訖即遂入壙藏明器  
正墓位蹕墓域守墓禁

位謂丘封所居前後也禁所為塋限  
文昭穆為左右須正之使不失本位墓域謂四畔溝兆  
蹕謂止行人不得近之守墓禁謂禁制不得漫入也云  
禁所為塋限者謂禁者以塋域為限而禁之  
春官

司常建廐車之旌及葬亦如之  
詳見陳樂師凡喪

陳樂器則帥樂官及序哭亦如之  
哭此樂器亦帥之  
疏曰按小宗伯云及

執事祇葬獻器遂哭之註云至將葬獻明器之材又獻  
素獻成皆於殯門外王不親哭有官代之彼據未葬材



時小宗伯哭之此序哭明器之樂器文承陳樂器之下而云序哭謂使人持此樂器向壙及八壙之時序哭之

也春官

大司樂涖藏樂器

詳見陳明器條

校人飾遣車之馬

及葬埋之

同上

典瑞大喪共贈玉

贈玉蓋璧也贈有束帛六幣璧以帛疏

曰贈玉者按既夕禮葬時棺入坎贈用元纁束帛即天子加以玉是贈先王之物也註云贈玉蓋璧也者以既夕禮云士贈用束帛明天子亦有束帛也而小行人合六幣璧以帛故知贈既用帛明以璧配之鄭言此者恐天子與士異士用帛天子用玉嫌不用帛故言之也春官大宰大喪贊贈玉助

為之也贈玉既窆所以送先王

小宗伯成葬而祭墓為位

成葬丘已封也天子

之冢蓋不一日而畢位壇位也先祖形體託於此地祀其神以安之冢人職曰大喪既有日請度甫窆遂為之



尸 疏曰云天子之冢蓋不一日而畢者按檀弓云有司以几筵舍奠於墓左反日中而虞註云所使奠墓有司來歸乃虞也則虞祭在奠墓後此上文既云詔相喪祭則虞祭訖矣於下乃云成葬祭墓為位則虞祭不待奠墓有司來歸者由天子之冢高大蓋不一日而畢故設經喪祭在成葬之上也引冢人職者證祭墓為位時冢人為尸以祭 冢人凡祭墓為尸 祭墓為尸或禱祈后土也 春官 冢人為尸 疏曰後鄭知此祭墓為禱祈者是墓新成冢人為尸 疏云凡故知謂禱祈也先鄭云為尸冢人為尸者上文祭墓謂始穿地時此文據成墓為尸後鄭以此亦得通一義故引之在下是以禮記檀弓云有司舍奠於墓左彼是成墓所祭亦引此凡祭墓為尸證成墓之事也

## 右窆



晉文公既定襄王於邲王勞之以地辭請隧

隧王之葬禮闕

地通道曰隧

曰王章也未有代德而有二王亦叔父所惡

也宋文公卒始厚葬用蜃炭益車馬始用殉重器

備槨有四阿棺有翰檜

蜃市忍反翰戶旦反一音韓燒蛤為炭以瘞壙多埋車

馬

用人從葬四阿四注槨也翰旁飾檜上飾皆王禮疏曰周禮匠人云殷人四阿重屋鄭元云阿棟也

四角設棟也是為四注槨也士喪禮云抗木橫三縮二謂於槨之上設此木縱二橫三以負土則士之槨

上平也今此槨上四注而下則其上方而尖也禮天子槨題湊諸侯不題湊不題湊則無四阿釋詁云槨

翰幹也又曰槨正也築牆所立兩木也翰所以當兩邊障土者也翰在牆之旁則知此翰亦在旁也詩云



會弁如星鄭元云會謂弁之縫中言其際會之處也會在弁之上知此檜亦在上故以為棺旁飾上言飾也

公室

也言擲有棺者則本不當有宋公所僭必僭天子明此蜃炭四阿翰檜皆是王之禮也

視豐碑

言視者時僭天子也豐碑斷大木為之形如石碑於擲前後四角樹之穿中於間為鹿盧

下棺以絳統天子六絳四碑前後各重鹿盧也

三家視桓楹

時僭諸侯諸侯

形如大楹耳四植謂之桓諸侯四絳二碑碑如桓矣大夫二絳二碑士二絳無碑疏曰凡言視者不正

相當比擬之辭也故王制云天子之三公視公侯卿視伯大夫視子男是也故云言視僭天子也以禮廟

庭有碑故祭義云牲八簋於碑儀禮每云當碑揖此云豐碑故知斷大木為碑也擲前後及兩旁樹之角

落相望故云四角非謂正當擲四角也穿鑿去碑中之木令使空於此空間著鹿盧兩頭各入碑木絳即



紼也。以紼之一頭繫絨，以一頭繞鹿盧，既訖而人各背碑負紼末頭，聽鼓聲以漸卻行而下之。知唯前後碑重，鹿盧者以棺之入槨，南北豎長，前後深也。按春秋天子有隧，以羨道下棺，所以用碑者，凡天子之葬，掘地以為方壙，漢書謂之方中。又方中之內，先累槨於其方中，南畔為羨道，以蜃車載柩至壙，說而載以龍輜從羨道而入。至方中，乃屬紼於棺之絨，從上而下，棺入於壙之中。於此之時，用碑，紼也。視桓楹不云碑，知不似碑形。故云如大楹耳。通而言之，亦謂之碑。故喪大記云：諸侯大夫二碑是也。

### 士三虞大夫五諸侯七

尊卑恩之差也。天子至士葬，即反虞。疏曰：知天子至士葬，即

反虞者，以其不忍一日未有所歸，尊卑皆然。故知葬即反虞。檀弓云：葬日虞，不忍一日離也。不顯尊卑是貴賤同然也。雜記：今按檀弓葬日虞，以虞易奠。疏曰：雜記云：諸侯七虞，然則天子九虞也。初虞已葬日而用柔



第二虞亦用柔日假令丁日葬葬日而虞則已日二虞後虞改用剛則庚日三虞也故鄭註士虞禮云士則庚日三虞士之三虞用四日則大夫五虞當八日諸侯七虞當十二日天子九虞當十六日最後一虞與卒哭例同用剛日此可以補經文之闕故備錄於此

### 小宗伯王崩既葬詔相喪祭

之禮

喪祭虞祔也檀弓曰葬日虞弗忍一日離也是日以虞易奠卒哭日事成是日也以吉祭易喪祭

明日祔

於祖父

疏曰鄭知喪祭是虞祔也以文承卜葬之下成葬之上其中唯有虞祔而已故以虞祔解之

也葬之朝為大遣奠反日中而虞是不忍一日使父母精神離散故云不忍一日離也

司巫祭

祀則共菹館

菹子都反

館所以承菹謂若今筐也士虞禮直刊茅長五寸實於筐饌於西牀上

甸師祭祀共蕭茅

鄭大夫云蕭字或為箇箇讀為縮束茅立之祭前沃酒其上酒滲下



去若神歛之杜子春讀為蕭蕭香蒿也茅以供祭之苴亦以縮酒苴以藉祭疏曰士虞禮束茅長五寸立於

凡東謂之苴是也

鄉師大祭祀共茅菹

元謂菹士虞所謂苴

是也祝設於几東席上命佐食取黍稷祭於苴王取膚祭祭如初此所以承祭既祭蓋束而去之守祧職云既

祭藏其墮是與

劉相惠反與音餘

地官他

庖人共喪

紀之庶羞

喪紀喪事之祭謂虞祔也

疏曰凡喪未葬

言共喪紀庶羞者謂虞祔之祭乃有之又曰天子九虞後作卒哭祭虞卒哭在寢明日祔於祖廟今直云虞祔

不言卒者舉前後虞則卒哭在其中共庶羞可知

天官圉人獸人共獸腊人共

乾肉敝人共蠹薨醢人共豆實

詳見陳小斂條

籩人共



遽詳見朔月半月奠條

喪祝掌喪祭祝號喪祭虞也

### 右虞祭

措之廟立之主曰帝

同之神春秋傳曰凡君卒哭而

後卒哭竟而祔置於廟立主使神依之也白虎通云所以有主者神無依據孝子以繼心也主用木木有始終又與人相似也蓋記之以為題欲令後可知也方尺或曰尺二寸鄭云周以衆漢書前方後圓五經異義云主狀正方穿中央達四方天子長尺二寸諸侯長一尺天神曰帝今號此主同於天神故題稱帝云文帝武帝之神類也崔靈恩云古者帝王生死同稱今云措之廟立之主曰帝者蓋是為祀時有主入廟稱帝之義記者錄以

為法也又曰凡君卒哭而祔卒哭者是葬竟虞數畢後之祭名也孝子親始死哭晝夜無時葬後虞竟乃行神



事故卒其無時之哭猶朝夕各一哭故謂其祭為卒哭  
卒哭明日而立主祔於廟隨其昭穆從祖父食卒哭主  
暫時祔廟畢更還殯宮至小祥作栗主入廟乃埋祭主  
於祖廟門左埋重處故鄭云虞而作主至祔奉以祔祖  
廟既事畢反之殯宮然大夫士亦卒哭而祔而左傳唯  
據人君有主者言之故云凡君鄭註祭法云大夫士無  
主也此言凡君明不關大夫士也崔靈恩云大夫士無  
主以幣帛祔祔竟並還殯宮至小祥而入廟也又檀弓  
云重主道也鄭註引公羊傳云虞主用桑練主用栗則  
似虞已有主而左傳云祔而作主二傳不同按說公羊  
者朝葬日中則作虞主若鄭君以二傳之文雖異其意  
則同皆是虞祭總了然後作主以作主去虞實近故公  
羊上係之於虞謂之虞主又作主為祔所須故左氏據  
祔而言古春秋左氏說既葬反虞天子九虞九虞者以  
柔日九虞十六日也諸侯七虞十二日也大夫五虞八  
日也士三虞四日也既虞然後祔死者於先死者祔而



尸作主謂桑主也期年然後作栗主檀弓云虞而立尸有尸筵鄭以為人君之禮唯立尸未作主也

## 右作主

魯文公二年作僖主

主者殷人以栢周人以栗三年喪終則遷入於廟疏曰主所

用木終無正文公羊傳曰主者曷用虞主用桑練主用栗左傳唯言祔而作主一而已非虞練再作公羊之言不可通於此也作主非禮也元年四月葬二年乃作主遂因葬文通譏之凡

君薨卒哭而祔祔而作主持祀於主

既葬反虞則免喪故曰卒哭哭

止也以新死者之神祔之於祖尸柩已遠孝子思慕故造木主立几筵特用喪禮祭於寢不同於宗廟几

君者謂諸侯以上下通於鄉大夫

烝嘗禘於廟

冬祭曰烝秋祭曰嘗新主既特祀於寢則



宗廟四時嘗祀自如舊也二年禮畢乃同於吉疏  
曰君既葬反虞則免喪與葬不相遠共在一月之內  
故杜每云既葬卒哭練麻除謂之卒哭者卒此無時  
之哭自此之後唯朝夕哭耳天子諸侯則於此除哭  
全不復哭也

勉齋黃氏曰按杜預天子諸侯既葬除喪服諒闇  
以居心喪終制不與士庶同禮之議見晉書本傳  
於左氏傳註遂有既葬反虞則免喪之說司馬公  
嘗言其失矣然其言乃曰練麻主於哀戚然庸人  
無練麻則哀戚不可得而勉又謂杜預辯則辯矣



不若陳遠之言質畧而敦實也愚謂緣麻之制乃古先聖人沿孝子之情為人制服蓋天理人心之所不容已者豈專為庸人而設以勉其哀戚哉杜預違經悖禮淪斁綱常當為萬世之罪人坐以不孝莫大之法而特言其不若陳遠之言質畧而敦實非所以明世教也先師朱文公曰左氏所傳祔而作主則與禮家虞而作主者不合烝嘗禘於廟則與王制喪三年不祭者不合杜氏因左氏之失



遂有國君卒哭除之說

作僖公主者何為僖公作主也

主狀正方穿中央達四方天子長尺二寸

諸侯長一尺

主者曷用虞主乃桑

禮平明而葬日中而反虞猶安神也用桑者

取其名與其羸猶所以副孝子之心禮虞祭天

練主

用栗

謂期年練祭也埋虞於兩階之間易用栗也夏后以松殷人以栢周人以栗松猶容也想見其

容貌而事之主人正之意也栢猶迫也親而不遠主地正之意也栗猶戰栗謹敬貌主天正之意也禮士

虞記曰桑主不文吉主皆刻而謚之蓋為禘祫時用別昭穆也虞主三代同者用意尚羸猶未暇別也用

栗者藏主也

藏於廟室中常所當奉事也質家藏於室

作僖公主何以書



譏何譏爾不時也其不時柰何欲久葬而不能也禮作

練主當以十三月文公亂聖人制欲服喪三十六月十九月作練主又不能卒竟故以二十五月也日者

重失禮鬼神

立主喪主於虞

其主用桑

吉主於練其主用栗作僖

公主譏其後也

僖公薨至此已十五年

作主壞廟有時日於練

焉壞廟壞廟之道易檐可也改塗可也

禮過高祖則

毀其廟以次而遷將納新神示有所加疏曰按莊公之喪已二十二月仍譏其為吉禘今方練而作主

猶是凶服而曰吉主者三年之喪至二十五月猶未合全吉故公子遂有納幣之譏莊公喪制未二十五

月而禘祭故譏其為吉此言吉者比之虞主故為言也然作主在三月壞廟在三年喪終而傳連言之



者此主終入廟入廟即易檐以事相繼故連言之非  
謂作主壞廟同時也或以為練而作主之時則易檐  
改塗故此傳云於練馬壞廟於傳文雖順舊說不然  
故不從之直記異聞耳糜信引衛次仲云宗廟主皆  
用栗石主八寸左主七寸廣厚三寸若祭訖則納於  
西壁堦中去地一尺六寸右主謂父也左主謂母也  
何休徐邈並與范註同云天子尺二寸諸侯一尺狀  
正方穿中央達四方是與衛氏異也白虎通亦云藏  
之西壁則納之西壁中或如衛  
說去地高下則無文以明之

文獻通考卷一百二十三



欽定四庫全書

史部

文獻通考卷一百二十四

詳校官監察御史<sub>臣</sub>徐如澍

編修<sub>臣</sub>程嘉謨覆勘

覆校官庶吉士<sub>臣</sub>陳墉

校對官中書<sub>臣</sub>高中

謄錄監生<sub>臣</sub>劉清礪



欽定四庫全書

文獻通考卷一百二十四

鄱陽馬端臨貴與著

王禮考十九

山陵

秦二世葬始皇驪山始皇初即位穿治驪山及并天下

天下徒送詣七十餘萬人穿三泉下銅

徐廣曰一作銅  
鋼鑄塞正義

曰顏師古云三重  
之泉言至水也

而致榑宮觀百官奇器珍怪徙藏滿



之

正義曰言冢內作宮觀及百官位次奇器珍怪徙滿冢中藏才浪反

令匠作機弩矢有

所穿近者輒射之以水銀為百川江河大海機相灌輸

正義灌音

館輸音戔上具天文下具地理以人魚膏為燭

徐廣曰人魚似

鮎四脚

正義曰廣志云鮎魚聲如小兒啼有四足形

如鱧

可以治牛出伊水異物志云人魚似人形長尺餘

不堪食皮利於鮫魚鋸材木入項上有小穿氣從中出

秦始皇冢中以人魚膏為燭即此魚也出東海中今台

州有之按今帝王用漆燈冢中則火不滅

正義度音

先帝後宮非有子者出焉不宜皆令從死死其甚衆葬

既已下或言工匠為機藏皆知之藏重即泄大事畢已



藏閉中美

正義曰音延下同謂冢中神道

下外美閉盡閉工匠藏者無

復出者樹草木以象山

皇覽曰墳高五十餘丈周迴五里餘正義曰關中記云始皇

陵在驪山泉本北流障使東西流有土無石取大石於渭山諸山括地志云秦始皇陵在雍州新豐縣西南十里

漢舊儀驪山者古之驪國晉獻公伐之而取二女曰

驪姬此山多黃金其南多美玉曰藍田故始皇貪而

葬焉使丞相李斯將天下刑人徒隸七十二萬人作

陵鑿以章程三十七歲錮水泉絕之塞以文石致以



丹漆深極不可入奏之曰丞相臣斯昧死言臣所將  
隸徒七十二萬人治驪山者已深已極鑿之不入燒  
之不然叩之空空如下天狀制曰鑿之不入燒之不  
然其旁行三百丈乃止

漢高祖十年秋七月癸卯太上皇帝崩葬萬年

師古曰  
三輔黃

圖云高祖初居櫟陽故太上皇因在櫟陽十  
年太上皇崩葬其北原起萬年邑置長丞也赦櫟陽囚

死罪已下

臣瓚曰萬年陵在櫟  
陽縣界故特赦之

漢舊儀太上皇萬年邑千戶徙天下民貲三百萬以



上與田宅守陵

十二年夏四月甲辰帝崩於長樂宮五月丙寅葬長陵

自崩至葬凡二十三日  
長陵在長安北四十里

已下已下  
棺也

皇太子羣臣皆反至

太上皇廟羣臣曰帝起細微撥亂世反之正平定天下

為漢太祖功最高上尊號曰高皇帝太子即位賜視作

斥上者將軍四十金

服虔曰斥上壙上也如淳曰斥開也開二地為冢壙故以開斥言之

鄭氏曰四十金四十斤金也晉灼曰近上二千石賜錢  
二萬此言四十金實金下凡言黃金真金也不言黃謂

錢也二千石二十金六百石以上六金五百石以下至佐



史二金

漢興立都長安徙齊田楚昭屈景及諸功臣家於長陵後世世徙吏二千石高貲富人及豪傑兼併之家於諸陵長陵邑萬戶奉常屬官有諸廟寢園令長丞東園匠令丞主作陵內器物又有園郎寢郎故事近臣皆隨陵為園郎園中各有寢便殿日祭於寢月祭於廟時祭於便殿寢日四上食丞相以四時行園武帝時人有盜孝文園瘞錢者丞相嚴青翟坐罪自殺



惠帝七年八月戊寅崩九月辛丑葬安陵

自崩至葬凡二十四日安

陵在長安北三十里去長陵十里

文帝治霸陵皆瓦器不得以金銀銅錫為飾後七年六

月己亥帝崩遺詔霸陵山川因其故無有所改

應劭曰因山為

藏不復起墳山下川流不遏絕就其水名以為陵號

令郎中令張武為復土將軍

如淳曰主穿壙寘瘞事也師古曰穿壙出土棺下也

已而寘之又即以為墳故云復土復反還也扶目反發近縣卒萬六千人發內史卒萬五千人藏槨穿復土屬

將軍武乙己葬霸陵

師古曰自崩至葬凡十日也霸陵在長安東南



景帝五年春作陽陵邑

張晏曰景帝作壽陵起邑

夏募民徙陽陵後

三年正月甲子帝崩二月癸酉葬陽陵

自崩至葬凡十日陽陵在長安

東北四十五里

惠帝安陵文帝霸陵景帝陽陵邑各萬戶徙民與長陵等

武帝建元二年初置茂陵邑

武帝自作陵也本槐里縣之茂鄉

建元六年四月高園便殿火董仲舒言魯哀公時桓僖宮災亳社災天皆焚其不當立者以示魯今高園殿不



當居陵旁於禮亦不當立與魯災同

後元二年二月丁卯帝崩三月甲申葬茂陵

自崩至葬  
凡十八日

茂陵在長安  
西北八十里

元帝時貢禹奏言武帝棄天下昭帝幼弱霍光專事  
不知禮正妄多藏金錢財物鳥獸魚鼈牛馬虎豹生  
禽凡百九十物盡瘞藏之又皆以後宮女置於園陵  
大失禮逆天心又未必稱武帝意也昭帝晏駕光復  
行之至孝宣皇帝時陛下惡有所言羣臣亦隨故事



甚可痛也唯陛下深察古道諸園陵女亡子者宜悉  
遣獨杜陵宮數百誠可哀憐也漢法天子即位一年  
而為陵天下貢賦三分之一供宗廟一供賓客一供  
山陵武帝歷年久長比崩陵中至不復容物由霍光  
暗於大體奢侈過度也

更始之敗赤眉入長安破  
茂陵取陵中物不能減半

昭帝元平元年四月癸未帝崩六月壬申葬平陵

自崩至葬

凡四十九日平陵在  
長安西北七十里

茂陵富人焦氏賈氏陰積貯炭葦諸下里物

死者歸  
蒿里葬



地故曰下里

昭帝大行時方上事暴起用度未辦田延年奏商賈預收方上不祥器物冀其疾用欲以求利非民臣所當為請沒入縣官從之

宣帝黃龍元年十二月甲戌帝崩初元元年正月辛丑

葬杜陵

自崩至葬凡二十八日杜陵在長安南五十里

漢舊儀武帝治茂陵昭帝平陵邑皆取二千石將相守陵故三陵多貴皆三萬戶至五萬戶

元帝永光四年分諸陵屬三輔以渭城壽陵亭部原上



為初陵詔曰安土重遷黎民之性骨肉相附人情所願也頃者有司緣臣子之義奏徙郡國民以奉園陵令百姓遠棄先祖墳墓破業失產親戚別離人懷思慕之心家有不自安之意是以東垂被虛耗之害關中有無聊之民非久長之策也詩不云瘠民亦勞止迄可小康惠此中國以綏四方今所為初陵者勿置縣邑使天下咸安土樂業亡有動搖之心布告天下令明知之

竟寧元年五月壬辰帝崩七月丙戌葬渭陵

自崩至葬五十五日



渭陵在長安  
北五十六里

有司言乘輿車牛馬禽獸皆非禮不宜以葬奏可

成帝永始元年七月詔曰朕執德不固謀不盡下過聽將作大匠萬年言昌陵三年可成作治五年中陵司馬殿門內尚未加功天下虛耗百姓罷勞客土疏惡終不可成朕惟其難怛然傷心夫過而不改是謂過矣其罷昌陵及故陵勿徙吏民令天下毋有動搖之心

二年詔曰前將作大匠萬年知昌陵卑下不可為萬歲



居奏請營作建置郭邑妄為巧詐積土增高多賦斂繇  
後興卒暴之作卒徙蒙辜死者連屬百姓罷極天下匱  
竭常侍閤前為大司農中丞數奏昌陵不可成侍中衛  
尉長數白宜早止徙家反故朕以長言下閤章公卿議  
皆合長計首建至策閤典主省大費民以康寧閤前賜  
爵關內侯黃金百斤其賜長為關內侯食邑千戶閤五  
百戶萬年佞邪不忠毒流衆庶海內怨望至今不息雖  
蒙赦令不宜居京師其徙萬年燉煌郡



陳湯與將作大匠解萬年相善自元帝時渭陵不復徙民起邑成帝起初陵數年後樂霸陵曲亭南更營之萬年與湯議以為武帝時工楊光以所作數可意自致將作大匠及大司農中丞景壽昌造杜陵賜爵關內侯將作大匠乘馬延年以勞苦秩中二千石今作初陵而營起邑居成大功萬年亦當蒙重賞子公妻家在長安兒子生長長安不樂東方宜求徙可得賜田宅俱善湯心利之即上封事言初陵京師之地



最為肥美可立一縣天下民不徙諸陵三十餘歲矣  
關東富人益衆多規良田役使貧民可徙初陵以彊  
京師衰弱諸侯又使中家以下得均貧富湯願與婁  
子家屬徙初陵為天下先於是天子從其計果起昌  
陵邑後徙內郡國民萬年自詭三年可成後卒不就  
羣臣多言其不便者下有司議皆曰昌陵因卑為高  
積土為山度便房猶在平地上客土之中不保幽冥  
之靈淺外不固卒徙工庸以鉅萬數至黥脂火夜作



取土東山且與穀同賈作治數年天下徧被其勞國  
家罷敞府藏空虛下至衆庶熬熬苦之故陵因天性  
據真土處執高敞旁近祖考前又已有十年功緒宜  
遠復故陵勿徙民上廼下詔罷昌陵

時營起昌陵數年不成復還歸延陵制度奢泰光祿

大夫劉向上疏諫曰昔孝文皇帝居霸陵北臨廁服

曰廁廁近水也李奇曰霸陵山北意悽愴悲懷顧謂

羣臣曰嗟乎以北山石為槨用紵絮斷陳漆其間應



曰斲斬也陳施也孟康曰斲絮以漆著其間也師古曰美石出京師北山今宜州石是也故云以北山石為椁紆絮者可以著衣之絮也斲而陳其間又從而漆之也紆音張呂反斲音側角反 豈可動

哉張釋之進曰使其中有可欲雖錮南山猶有隙使

其中無可欲雖無石椁又何感焉

師古曰錮謂鑄塞也云錮南山者取

其深大假為喻也

夫死者無終極而國家有廢興故釋之之

言為無窮計也孝文寤焉遂薄葬不起山墳易曰古

之葬者厚衣以薪藏之中野不封不樹

師古曰厚衣之以薪言積

薪以覆之也不封謂不遂土為墳也不樹謂不種樹也衣音於既反

後世聖人易之以



棺槨棺槨之作自黃帝始黃帝葬於橋山

師古曰在上郡陽周

縣堯葬濟陰丘壟皆小葬具甚微

晉灼曰丘壟冢墳也

舜葬蒼

梧二妃不從

師古曰二妃堯之二女

禹葬會稽不改其列

鄭氏曰不

改樹木百物之列也如淳曰列壟也墨子曰禹葬會稽之山既葬收餘壤其上隴若參耕之畝則止矣晉

灼曰列肆也淮南子云舜葬蒼梧不變其肆言不煩於民也師古曰鄭說是也淮南所云不變其肆肆者

故也言山川田畝皆如故耳非列義也晉氏失之

殷湯無葬處

師古曰謂不見傳記也

文武周公葬於畢

李奇曰在岐州之間臣瓚曰汲郡古文畢西於豐三十里師古曰二

說皆非也畢陌在長安西北四十里也

秦穆公葬於雍橐泉宮祈年館



下槨里子葬於武庫

父潁曰秦惠王異母弟也師古曰槨里子且死曰葬我必於渭

南章臺東後百年當有天子宮夾我墓及漢興長樂宮在其東未央宮在其西武庫正直其上也皆

無丘隴之處此聖帝明王賢君智士遠覽獨慮無窮

之計也其賢臣孝子亦承命順意而薄葬之此誠奉

安君父忠孝之至也夫周公武王弟也葬兄甚微孔

子葬母於防稱古墓而不墳

師古曰墓謂墳穴也墳謂積土也

曰丘

東西南北之人也不可識也

師古曰東西南北言周遊以行其道不得

專在本邦故墓須表識識音志

為四尺墳遇雨而崩弟子修之以告



孔子孔子流涕曰吾聞之古者不修墓蓋非之也延

陵季子適齊而反其子死於贏博之間

師古曰二邑並在泰山其

子死於其間

穿不及泉歛以時服封墳掩坎其高可隱

孟康

曰隱蔽之纔可見而已臣瓚曰謂人立可隱肘也師古曰瓚說是也隱音於靳反

而號曰骨

肉歸復於土命也魂氣則無不之也夫贏博去吳千

有餘里季子不歸葬孔子往觀曰延陵季子於禮合

矣故仲尼孝子而延陵慈父舜禹忠臣周公弟弟其

葬君親骨肉皆微薄也非苟為儉誠便於體也宋桓



司馬石椁仲尼曰不如速朽

李奇曰非桓魋為石椁奢秦故激以此言

秦

相呂不韋集知畧之士而造春秋亦言薄葬之義皆

明於事者也逮至吳王闔閭達禮厚葬十有餘年越

人發之及秦惠文武昭嚴襄五王

師古曰嚴襄者謂莊襄則始皇父也

皆大作丘壟多其瘞藏咸盡發掘暴露甚足悲也秦

始皇帝葬於驪山之阿

師古曰阿謂山曲也

下錮三泉上崇山

墳其高五十餘丈周回五里有餘石椁為游館

李奇曰墳

中為遊戲之觀也師古曰多累石作椁於壙中以為離宮別館也

人魚膏為燈燭水



銀為江海黃金為鳬鴈珍寶之藏機械之變

孟康曰作機發

木人之屬盡其巧變也晉灼曰始皇本紀令匠作機弩矢有所穿近輒射之又言工匠為機咸皆知之已

下閉羨門背殺工匠也師古曰晉說是也

棺槨之麗宮館之盛不可勝原

師古曰言不能盡其本數

又多殺宮人生薶工匠計以萬數天下

苦其役而反之驪山之作未成而周章百萬之師至

其下矣項籍燔其宮室營宇往者咸見發掘

師古曰言至其

墓所者發掘之而求財物也

其後牧兒亡羊羊入其鑿

師古曰鑿謂所穿家

藏者音在到反牧者持火照求羊失火燒其藏槨自古至今



葬未有盛如始皇者也數年之間外被項籍之災內

離牧豎之禍

師古曰離遭也

豈不哀哉是故德彌厚者葬彌

薄知愈深者葬愈微無德寡知其葬愈厚丘壟彌高

宮室愈麗發掘必速由是觀之明暗之效葬之吉凶

昭然可見矣周德既衰而奢侈宣王賢而中興更為

儉宮室小寢廟詩人美之斯干之詩是也上章道宮

室之如制下章言子孫之衆多也

師古曰宮室如制謂殖殖其庭有覺

其楹君子攸寧也子孫衆多謂維熊維

及魯嚴公

師古



曰即莊公也

刻飾宗廟多築臺園

師古曰解在五行志

後嗣再絕孟康

曰謂子般閔公皆殺死也

春秋刺焉周宣如彼而昌魯秦如此而

絕是則奢儉之得失也陛下即位躬親節儉始營初

陵其制約小天下莫不稱賢明及徙昌陵增埤為高

師古曰埤下也音婢

積土為山發民墳墓積以萬數營起邑居

其日迫卒

師古曰卒讀曰猝

功費大萬百餘

應劭曰大萬億也大臣也

死

者恨於下生者愁於上怨氣感動陰陽因之以饑饉

物故流離以十萬數

師古曰物故謂死也流離謂亡其居處也

臣甚惛焉



師古曰惛謂不了言惑於此事也  
惛音昏一曰惛古閔字憂病也

以死者為有知發

人之墓其害多矣若其無知又安用大

師古曰安焉也

謀之

賢知則不說以示衆庶則苦之

師古曰說讀曰悅其下亦同

若苟

以說愚夫淫侈之人又何為哉陛下慈仁篤美甚厚

聰明疏達蓋世宜弘漢家之德崇劉氏之美光昭五

帝三王而顧與暴秦亂君競為奢侈比方丘隴

師古曰顧

猶反也

說愚夫之目隆一時之觀達賢知之心亡萬世

之安臣竊為陛下羞之惟陛下上覽明聖黃帝堯舜



禹湯文武周公仲尼之制下觀賢知穆公延陵樗里  
張釋之之意孝文皇帝去墳薄葬以儉安神可以為  
則秦始皇增山厚藏以侈生害足以為戒初陵之撫  
宜從公卿大臣之議應劭曰撫音規募之募師古曰  
謂規度墓地應音是也韋元成  
傳及蕭望之傳規撫  
音義皆同其字從水以息衆庶書奏上甚感向言而  
不能從其計

永始四年出杜陵諸未嘗御者歸家

宮人無子乃  
守園陵也

綏和二年三月丙戌帝崩四月己卯葬延陵

自崩至葬  
凡五十四



日延陵在扶風去  
長安六十二里

哀帝元壽二年六月戊午帝崩八月壬寅葬義陵自崩至葬

凡百五日義陵在扶  
風去長安四十六里

平帝元始元年詔義陵民冢不妨殿中者勿發如淳曰

宮牆象生制度為殿屋故曰殿中師古曰此說非也殿中謂壙中象正殿處

六月乙未義陵寢神衣在柙中丙申旦衣在外牀上

哀帝陵也衣在寢中今自出非常之寢令以急變聞事故云

急變用太牢祠



五年十二月丙午帝崩葬康陵

在長安北六十里

東漢皇帝葬儀以木為重高九尺廣容八歷裹以葦席  
巾門喪帳皆以簟車皆去輔輜疏布惡輪走卒皆布構  
幘太僕四輪輶為賓車大練為屋幙中黃門虎賁各二  
十人執紼司空擇土造穿太史卜日謁者二人中謁者  
僕射中謁者副將作油緹帳以覆坑方石治黃腸題湊  
便房如禮

漢舊儀畧載前漢諸帝壽陵曰天子即位明年將作大匠營陵地用地七頃方中用地一

頃深十三丈堂壇高三丈墳高十二丈武帝墳高二十丈明中高一丈七尺四周二丈內梓棺栢黃腸題湊以



次百官藏畢其設四通羨門容大車六馬皆藏之內方  
外陟車石外方立先閉劍戶戶設夜龍莫邪劍伏弩設  
伏火已營陵餘地為西園后陵餘地為嬖好以下次賜  
親屬功臣漢書音義曰題頭也湊以頭向內所以為固  
也便房藏中便坐也皇覽曰漢家之葬方中百步已穿  
築為方城其中開四門四通足放六馬然後錯渾雜物  
杆漆繒綺金寶米穀及埋車馬虎豹禽獸發近郡卒徒  
置將軍尉侯以後官貴幸者皆守園陵元帝葬乃不用  
車馬禽獸等物大駕太僕御方相氏黃金四目蒙熊皮元衣朱  
裳執戈揚楯立乘四馬先驅周禮曰方相氏大喪先驅  
方良鄭元曰方相放想也可畏怖之貌擴穿地中也方  
良罔兩也天子之樽栢黃腸為裏表以石馬國語曰木  
石之怪夔罔兩旂之制長三仞十有二旂曳地畫日月升龍書



旒曰天子之柩謁者二人立乘六馬為次大駕甘泉鹵簿金根容車蘭臺法駕喪服大行載飾如金根車皇帝從送如禮太常上啓奠夜漏二十刻太尉冠長冠衣齋衣乘高車詣殿止車門外使者到南向立太尉進伏拜受詔太尉詣南郊未盡九刻大鴻臚設九賓隨立羣臣入位太尉行禮執事皆冠長冠衣齋衣太祝令跪讀謚策太尉再拜稽首治禮告事畢太尉奉謚策還詣殿端門太常上祖奠中黃門尚衣奉衣登容根車東園武士



載大行司徒却行道立車前治禮引太尉入就位大行車西少南東面奉策太史令奉哀策立後太常跪曰進皇帝進太尉讀謚策藏金匱皇帝次科藏於廟太史奉哀策輦篋詣陵太尉旋復公位再拜立哭太常跪曰哭大鴻臚傳哭十五舉音止哭太常行遣奠皆如禮請哭止哭如儀晝漏上水請發司徒河南尹先引車轉太常跪曰請拜送載車著白系參繆紉長三十丈大七寸為輓六行行五十人公卿以下子弟凡三百人皆素幘委



貌冠衣素裳校尉三人皆赤幘不冠絳紗單衣持幢幡  
候司馬丞為行首皆銜枚羽林孤兒巴俞擢歌者六十  
人為六列鐸司馬八人執鐸先大鴻臚設九賓隨立陵  
南羨門道東北面諸侯王公特進道西北面東上中二  
千石二千石列侯直九賓東北面西上皇帝白布幕素  
裏夾羨道東西向如禮容車幄坐羨道西南向車當坐  
南向中黃門尚衣奉衣就幄坐車少前太祝進醴獻如  
禮司徒跪曰大駕請舍太史令自車南北面讀哀策掌



故在後已哀哭太常跪曰哭大鴻臚傳哭如儀司徒跪  
曰請就下位東園武士奉下車司徒跪曰請就下房都

導東園武士奉車入房司徒太史令奉謚哀策

晉時有人嵩高

山下得竹簡一枚上有兩行科斗書之臺中外傳以相  
示莫有知者司空張華以問博士束皙曰明帝顯節陵

中策也檢校果然  
是知策用此書也

東園武士執事下明器

禮記曰明器  
神明之也孔

子謂為明器知喪道矣備物而不可用也  
鄭元注既夕曰陳明器以西方南端為上

筭八盛容三

升鄭元注既夕曰筭器種  
類也其容蓋與簋同

黍一稷一麥一粱一稻一麻

一菽一小豆一甕三容三升醯一醢一肩一

鄭元注既  
夕曰肩蓋



桂之

黍飴載以木桁覆以疏布甌二容三升醴一酒一

載以木桁覆以功布瓦鐙一彤矢四軒輶中亦短衛彤

矢四骨短衛

既夕曰猴矢一乘骨鏃短衛鄭元曰猴猶

衛亦示不用也生時猴矢金鏃凡為矢五

分寄長而羽其一通俗文曰細毛猴也彤弓一卮八

牟八鄭云注既夕豆八籩八形方酒壺八槃匱一具鄭

注既夕曰槃匱盥器也

杖几各一蓋一鐘十六無簋鑄四無簋爾雅

曰大鐘謂之鑄郭璞注曰書曰笙鏞以間亦名鑄

磬十六無簋禮記曰有鐘磬而無簋簠鄭元

曰不懸壺一簫四笙一篴一柷一敔一瑟六琴一竽一



筑一坎侯一

禮記曰琴瑟張而不平竿笙備而不和

干戈各一竿一甲一

胄一

既夕謂之後器鄭元曰竿矢箠

輓車九乘芻靈三十六匹

鄭元注禮記曰

芻靈束茅為人馬謂之芻靈神之類

瓦竈二瓦釜二瓦甑一瓦鼎十二容

五升匏勺一容一升瓦案九瓦大杯十六容三升瓦小

杯二十容二升瓦飯槃十瓦酒樽二容五升匏勺二容

一升祭服衣送皆畢東園匠曰可哭在房中者皆哭太

常大鴻臚請哭止如儀司徒曰百官事畢臣請罷從入

房者皆再拜出就位太常尊皇帝就贈位司徒跪曰請



進贈侍中奉持鴻洞贈玉珪長尺四寸薦以紫巾廣袤  
各三寸緹裏赤纁周緣贈幣元三纁二各長尺三寸廣  
充幅皇帝進跪臨羨道房中西向手下贈投鴻洞中三  
東園匠奉封入藏房中太常跪曰皇帝敬再拜請哭大  
鴻臚傳哭如儀太常跪曰贈事畢皇帝促就位續漢書  
崩司徒鮑昱典喪事葬日三公入安梓宮還至羨道半  
逢上欲下昱前叩頭言禮天子鴻洞以贈所以重郊廟  
也陛下奈何冒危險容根車游載容衣司徒至便殿並  
不以義割哀上即還輦騎皆從容車玉帳下司徒跪曰請就幄尊登尚衣奉



衣以次奉器衣物藏於便殿太祝進醴獻几下用漏十刻禮畢司空將校復土皇帝皇后以下皆去麤服服大紅還宮反廬立如禮桑木主尺一寸不書謚虞禮畢祔

於廟如禮

漢舊儀曰高帝崩三日小斂空中牖下作栗木主長八寸前方後圓圍一尺置牖中望外

內張繡絮以彰外以皓木大如指長三尺四枚纏以皓皮四方置牖中央七日大斂棺以泰飯羊舌祭之牖中已葬收主為木函藏廟太室中西牆壁炤中望內外不出室堂之上坐為五時衣冠履几杖竹籠為俑人無頭坐起如生前皇后主長七寸圍九寸在皇帝主右旁高皇帝主長九寸上林給栗木長安祠廟作神主東園祕器作梓棺素木長

先大駕日游冠衣於諸宮諸殿羣臣

大三尺崇廣四尺



皆吉服從會如儀皇帝近臣喪服如禮醪大紅服小紅  
十一升都布練冠醪小紅服纖醪纖服留黃冠常冠近  
臣及二千石以下皆服留黃冠百官衣皂每變服從哭  
詣陵會如儀祭以特牲不進毛血首司徒光祿勳備三  
爵如禮

太皇太后皇太后之喪合葬羨道開通皇帝謁便房太  
常導至羨道去杖中常侍受至柩前謁伏哭止如儀辭  
太常導出中常侍授杖升車歸宮也已下反虞立主如



禮諸郊廟祭服皆下便房五時朝服各一襲在陵寢其餘及宴服皆封之篋筭藏宮殿後閣室

世祖建武二年以皇祖考墓為昌陵置陵令守視後改為章陵因以春陵為章陵縣

六年四月幸長安始謁高廟遂有事於十一陵

十年八月幸長安祠高廟遂有事於十一陵

十一年二月幸章陵祠園陵

十八年二月幸長安祠高廟有事於十一陵



二十二年幸長安祠高廟有事於十一陵

以後幸長安謁陵不錄

古不墓祭漢諸陵皆有園寢承秦所為也說者以為古宗廟前制廟後制寢以象人之居前有朝後有寢也月令有先薦寢廟詩稱寢廟奕奕言相通也廟以藏主以四時祭寢有衣冠几杖象生之具以薦新物秦始出寢起於墓側漢因而弗改故陵上稱寢殿起居衣服象生人具名寢之意也建武以來關西諸陵以傳久遠但四時特牲祠帝每幸長安謁諸陵乃太



牢祠自雒陽諸陵至靈帝皆以晦望二十四氣伏臘  
及四時祠廟日上飯太官送用物園令食監典省其  
親陵所宮人隨鼓漏理被枕具盥水陳嚴具

二十六年初作壽陵

初作陵未有名故號壽陵取長久之義

將作大匠竇

融上言園陵廣袤無慮所用

說文曰南北曰袤東西曰廣無慮都凡也謂諸園陵

都凡制度也

帝曰古者帝王之葬皆陶人瓦器木車茅馬使

後世之人不知其處太宗識終始之義景帝能述遵孝  
道遭天下反覆而霸陵獨完受其福豈不美哉

謂赤眉入長安



惟霸陵不掘

今所制地不過二三頃無為山陵陂池裁令流

水而已

光武葬原陵山方三百二十三步高六丈六尺垣四出  
司馬門寢殿鐘虡皆在周垣內提封田十二頃五十七  
畝八十五步帝王世記曰在臨平亭之南西望平陰東

南去雒陽十里

帝以中元二年二月  
戊戌崩三月丁卯葬

明帝永平元年正月帝率公卿已下朝於原陵如元會

儀



漢制正月五供畢以次上陵西都舊有上陵東都之儀百官四姓親家婦女公主諸王大夫外國朝者侍子郡國計吏會陵晝漏上水鴻臚設九賓隨立寢殿前鐘鳴謁者治禮引客羣臣就位如儀乘輿自廂下太常導出西向拜止旋升阼階拜神座退坐東廂西侍中尚書陞者皆神座後公卿羣臣謁神座太官上食太常樂奏食舉文始五行之舞禮樂闋君臣受賜食畢郡國上計吏以次前當神軒占其郡穀價民所



疾苦欲神知其動靜孝子事親盡禮敬愛之心也周  
徧如禮最後親陵遣計吏賜之帶佩八月飲酎上陵  
禮亦如之

致堂胡氏曰送死之禮即遠而無近至於墓則終  
事盡矣人子孝思不忘則專精於廟享而已矣蓋  
墓藏體魄而致生之是不智也廟以宅神而致死  
之是不仁也此聖人制禮明乎幽明之故仁智合  
而理義全也既已送形而往安於地下迎精而反



主於廟中而又致隆於陵園如元會儀上食奏樂  
郡國奏計言民疾苦是反易陵廟之理以體魄為  
有知虛廟祐而不重設復舉廟中之主而祭於陵  
所皆違禮也夫喪葬即遠豈得已而為之不可沐  
浴而不斂也故為之斂不可斂而不殯也故為之  
殯不可殯而不葬也故為之葬首為中制以節賢  
者之過而引不肖者之不及也若遂孝子思慕無  
窮之心則葬之之不得見曷若存之於殯之為近



殯諸客位之為近曷若勿斂勿浴勿飲勿含之可  
以稱吾之不忍也原情至此則大聖至愚均於不  
行故不若循禮中節之為當也明帝此舉蓋生於  
原廟蔡邕不折衷以聖人之制而直論其情情豈  
有既哉使明帝移此情於四時太廟之祭簋簠籩  
豆尊彝鼎俎惟禮之循而兢兢業業監於光武成  
憲損益修明之期乎至治其為孝也雖聖主何以  
加諸



永平七年陰太后崩柩將發於殿羣臣百官陪位黃門鼓吹三動鳴鐘鼓天子舉哀女侍史官三百人皆着素參以白索引棺挽歌下殿就車黃門宦者引以出宮省太后魂車驚路青羽蓋駟馬龍旂九旒前有方相鳳凰率大將軍妻參乘太僕妻御悲導公卿百官如天子郊鹵簿儀後和熹鄧后葬按以為儀自此皆降損於前事也

陰太后崩帝追慕無已當謁原陵夜夢先帝太后如



平生歡悲不能寐即按歷明旦吉遂率百官上陵其  
日降甘露於陵樹令百官采取以薦帝伏御床視太  
后鏡奩中物感動悲涕令易脂澤裝具左右悲泣莫  
敢仰視

明帝葬顯節陵山方三百步高八丈無周垣為行馬四  
出在殿北提封田七十四頃五畝帝王世記曰故當壽  
亭也西北去雒陽三十七里

帝以永平十八年八月  
壬子崩其月壬戌葬

帝初作壽陵制令流水而已石槨廣一丈二尺長二



丈五尺無得起墳

東觀記曰陵東北作廡長三大步出外為小厨裁足祠祀

萬

年之後掃地而祭杆水脯糒而已

杆飲器方言盥也糒乾糧也

過

百日唯四時設奠置更卒數人供給灑掃勿開修道敢有所興作者以擅議宗廟法從事

章帝欲為原陵顯節陵起縣邑東平王蒼上疏諫曰竊見光武皇帝躬履儉約之行營建陵地具稱古典詔曰無有山陵陂池裁令流水而已孝明皇帝奉承無違至於自所營創尤為儉省古者丘壟且不欲其著明况築



郭邑建都郭哉又以吉凶俗數言之亦不欲無故繕修  
丘墓帝從而止

章帝敬陵山方三百步高六丈二尺無周垣為行馬四  
出司馬門右殿鐘虡在行馬內寢殿園省在東園寺吏  
舍在殿北提封田二十五頃五十五畝帝王世紀曰在  
雒陽東南去雒陽三十九里

帝以章和二年正月  
壬辰崩三月癸卯葬

和帝慎陵山方三百八十步高十丈無周垣為行馬四  
出司馬門右殿鐘虡在行馬內寢殿園省在東園寺吏



舍在殿北提封田三十一頃二十畝二百步帝王世紀

曰在雒陽四十一里

帝以元興元年十二月辛未崩次年三月甲申葬

殤帝康陵山周二百八步高五丈五尺行馬四出司馬

門寢殿鐘虞在行馬中因寢殿為廟園吏寺舍在殿北

提封田十三頃十九畝二百五十步帝王世紀曰高五

丈四尺去雒陽四十八里

帝以延平元年八月辛亥崩九月丙寅葬

安帝恭陵山周二百六十步高十五丈無周垣為行馬

四出司馬門右殿鐘虞在行馬內寢殿園吏寺舍在殿



北提封田一十四頃五十六畝帝王世紀曰高十一丈

在雒陽西北去雒陽十五里

帝延光四年三月丁卯幸葉崩於乘輿辛未發喪四

月己酉葬

順帝憲陵山方三百步高八丈四尺無周垣為行馬四

出司馬門右殿鐘虡在司馬門內寢殿園省寺吏舍在

殿東提封田十八頃十九畝三十步帝王世紀曰在雒

陽西北去雒陽十五里

帝以建康元年八月庚午崩九月丙午葬

冲帝懷陵山方百八十三步高四丈六尺為寢殿行馬



四出門園寺吏舍在殿東提封田五頃八十畝帝王世

紀曰西北去雒陽十五里

帝以永嘉元年正月戊戌崩其月己未葬

冲帝崩將北卜山陵李固議曰今處處寇賊軍興用

費加倍新創憲陵賦發非一帝尚幼小可起陵於憲陵塋內依康陵制度其於後費三分減一乃從固議

質帝靜陵山方百三十六步高五丈五尺為行馬四出門寢殿鐘虞在行馬中園寺吏舍在殿北提封田十二頃五十四畝因寢為廟帝王世紀曰在雒陽東去雒陽



三十二里

帝以本初元年閏六月甲申崩七月乙卯葬

桓帝宣陵帝王世紀曰山方三百步高十二丈在雒陽

東南去雒陽三十里

帝以延熹九年十二月辛丑崩次年二月辛酉葬

靈帝熹平元年正月車駕上原陵諸侯王公及外戚家

婦女郡國計吏匈奴單于西域三十六國侍子皆會焉

如會殿之儀禮樂闋百官受賜爵計吏以次嚮殿前上

先帝御座具言俗善惡民所疾苦司徒蔡邕慨然歎曰

吾聞古之墓祭而朝廷有上陵之禮如此其備也察其



本意乃知孝明至孝惻隱不易奪也或曰本意云何對  
曰西京之時其禮不可得而聞也光武帝始葬於此明  
帝嗣位逾年羣臣朝正感先帝不復見此禮乃率公卿  
百僚就陵而朝焉瓜葛之親男女畢會郡計吏各向神  
座而言庶幾先帝魂神聞聽之也

靈帝文陵帝王世紀曰山方三百步高十二丈在雒陽

西北去雒陽二十里

帝中平六年四月丙辰崩六月辛酉葬

獻帝禪陵帝王世紀曰在河內山陽之西南去雒陽三



百一十里



文獻通考卷一百二十四